



COMUN DI MONFALCON

Statût

aprovât cun deliberazion dal Consei
n. 14/39 dd. 19 Jugn 2003
esecutive dal 28 Lui 2003

modificât cun deliberazion dal Consei
n. 18/84 dd. 28 Lui 2005
esecutive dal 2 Setembar 2005

modificât cun deliberazion dal Consei
n. 19/60 dd. 21 Jugn 2007
esecutive dal 14 Lui 2007



COMUN DI MONFALCON

INDIÇ

TITUL I PRINCIPS GENERALS E DI PROGRAME

PONT 1 AUTONOMIE

- Articul 1: La autonomie da la comunitât
- Articul 2: La autonomie e l'adatament dal ordenament comunâl
- Articul 3: Orientaments gjenerâi par la organizazion dal Comun

PONT 2 FUNZIONI

- Articul 4: Rûl e competence gjenerâls
- Articul 5: Funzioni par la tutele da la persone e da la Comunitât
- Articul 6: Funzioni par la tutele e promoziun da lis formaziuns sociâls
- Articul 7: Funzioni par la tutele da la salût e da la cualitât da la vite
- Articul 8: Funzioni par la tutele dal patrimoni naturâl storic e artistic
- Articul 9: Funzioni par la promoziun da la culture, dal sport e dal timp libar
- Articul 10: Funzioni par l'organizazion e il sfrutament dal teritori
- Articul 11: Funzioni pal svilup economic
- Articul 12: Programazion economic – sociâl e teritoriâl. Cooperazion.
- Articul 13: Organizazion teritoriâl.
- Articul 14: Participazion.
- Articul 15: Esercizi da lis funzioni e rapuarts cui citadins. Decentrament.
- Articul 16: Atuazion dal principi di sussidiarietât.
- Articul 17: La semplificazion amministrative e documentâl.
- Articul 18: Teritori, confenon e bandiere.

TITUL II ORGHINS DAI COMUNS

- Articul 19: Orghins

PONT 1 CONSEI COMUNÂL

- Articul 20: Costituzione
- Articul 21: Liniis programatiche di mandât
- Articul 22: Grups dal Consei
- Articul 23: Comissions dal Consei
- Articul 24: Convocazion dal Consei
- Articul 25: Il President dal Consei comunâl
- Articul 26: Funzionament dal Consei comunâl
- Articul 27: Conseîrs
- Articul 28: Siolzi il Consei
- Articul 29: Competencis dal Consei
- Articul 30: Publicitât da lis spesis elettorâls

PONT 2 ZONTE COMUNÂL

- Articul 31: Composizion
- Articul 32: Nomine da la Zonte comunâl
- Articul 33: Anzianitât dai Assessôrs
- Articul 34: Convocazion e funzionament da la Zonte
- Articul 35: Competencis da la Zonte

PONT 3 SINDIC

- Articul 36: Il Sindic
- Articul 37: Competencis come Orghin da la Amministrazion
- Articul 38: Deleghe di funzioni e temporane sostituzion
- Articul 39: Il Vice Sindic
- Articul 40: Competencis come Orghin di vigilance
- Articul 41: Atribuzion di organizazion
- Articul 42: Competencis pai Servizis Statâi
- Articul 43: Mozion di Sfiducie



COMUN DI MONFALCON

TITUL III ORGHINS BUROCRATICS E RELATÎF ORDENAMENT

- Articul 44: Principis organizatîfs
- Articul 45: Il personâl
- Articul 46: Il Diretôr Gjenerâl
- Articul 47: Il Segretari
- Articul 48: La Dirigjence
- Articul 49: Dissipline da la Dirigjence
- Articul 50: Nucleo di Valutazion

TITUL IV SERVIZIS E FORMIS ASSOCIATIVIS

PONT 1 SERVIZIS

- Articul 51: Servizis publics locâi
- Articul 52: Servizis publics locâi di relevance economiche
- Articul 53: Aziendis speciâls e Istituzions

PONT 2 FORMIS ASSOCIATIVIS E DI COOPERAZION

- Articul 54: Convenzions
- Articul 55: Consorziis

PONT 3 DISPOSIZIONS GJENERÂLS RELATIVIS AI ENTS, AZIENDIS, ISTITUZIONI E SOCIETÂT A PARTECIPAZION COMUNÂL

- Articul 56: Finalitâts
- Articul 57: Nomine e revoche dai rapresentants dal Comun
- Articul 58: Direzion e control

TITUL V PARTECIPAZION POPOLÂR E TRASPARENCE DA LA AZION AMINISTRATIVE

- Articul 59: Istitûts di partecipazion

PONT 1 ACÈS E PROCEDIMENT

- Articul 60: Dirit di acès ai ats e ai procediments
- Articul 61: Direzions pal regolament dal acès ai ats
- Articul 62: Procediment aministratîf
- Articul 63: Oblic di motivazion dai ats
- Articul 64: Statût dai dirits dal contribuent – Dirit di interpello e garant dal contribuent

PONT 2 CONSULTAZIONS

- Articul 65: Consultazion
- Articul 66: Podês da lis Consultis comunâls
- Articul 67: Podês dai organisims di partecipazion dal teriori e dal boric
- Articul 68: Forum di consultazion
- Articul 69: Consecuencis da la consultazion

PONT 3 REFERENDUM

- Articul 70: Referendum consultîf
- Articul 71: Domande di referendum
- Articul 72: Amission da la domande
- Articul 73: Direzions regolamentaris sul referendum
- Articul 74: Materiis no referendabilis

PONT 4 ISTANCIS, PETIZIONS E PROPUESTIS

- Articul 75: Amissibilitât
- Articul 76: Modalitâts di presentazion e exam

PONT 5 DIFENSÔR CIVIC

- Articul 77: Difensôr Civic – Nomine – Durade in cjarie
- Articul 78: Atribuzions dal Difensôr Civic – Nomine – Durade in cjarie
- Articul 79: Revoche - Decjadence e dispense d'Ufici
- Articul 80: Oblics operatîf – Indennitât

TITUL VI FINANCE E CONTABILITÂT

- Articul 81: Ordenament contabil, ativitâts finanziariis e risorsis
- Articul 82: Belanç, programazion finanziarie e rendicontazion
- Articul 83: Il patrimoni



COMUN DI MONFALCON

Articul 84: Revision economic – finanziarie

Articul 85: Davuelziment da lis funzioms

Articul 86: Denunciis par fats di gjestion de bande dai Conseîrs

Articul 87: Control di gjestion

TITUL VII NORMIS TRANSITORIS E FINÂLS

Articul 88: Modifichis dal Statût

Articul 89: Jentrade in vore



COMUN DI MONFALCON

TITUL I PRINCIPS GENERALS E DI PROGRAME

PONT 1 AUTONOMIE

Articul 1 La autonomie da la comunitât

1. La comunitât dal Comun di Monfalcon è autonome, daûr dai principis anunciâts da la Costituzion, dal Test Unic da lis Leçs dal Ordenament dai Ents Locâls decidût cul decret legjislatîf 18 avòst 2000 n. 267, indenant clamât “Test Unic”, da lis Leçs regionâls e dal presint Statût.
2. Il Comun le rapresente, ispirant la sô azion sociâl e aministrative ai valôrs da la libertât, democrazie, equitât, solidarietât, pârs oportunitâs, promozion da la culture e da la cualitât da vite, tutele dal ambient, sosten al lavôr e a lis iniziativis che realizin il sô svilup.
3. L’ordenament e il statût sustegnin la partecipazion vere, libare e democratiche dai citadins a lis ativitâts comunâls par il progres da la comunitât e par garantî la sigurece e la civîl convivença.
4. Il Comun difint i valôrs culturâls, sociâls, ambientâl che rapresentin il patrimoni di storie e tradizions da la comunitât e son determinants par il sô svilup e progres par realizâ, cumò e un doman, cundizions degnis dal sô passât.
5. Il Comun si ricognòs tai valôrs da Resistence e da la vite nazionâl palesâts inta la Costituzion taliane.
6. Monfalcon è une citât vierte a la Europe. Ative par la costruzion da la Gnove Europe Unide, democratiche e federâl. Il Comun di Monfalcon aderìs a la “Cjarte da lis citâts europeanis par un svilup lunc e sostignibîl”, firmât a Aalborg, Danimarce il 27 Mai 1994 e famose come Cjarte di Aalborg, daûr da la quale adate lis sôs azions di guvier, ispiradis ai principis di svilup sostignibîl, bon di sodisfâ a dilunc i dibisugns di dute la societât umane, tignint cont la capacitât di caric dal sisteme ambientâl.
7. La comunitât pant, midiant dai Orghins eletîfs che la rapresentin e lis formis di proposte, partecipazion e consultazion previodudis dal Test Unic e dal presint Statût, lis sieltis che individuin i siei interès fundamentâi, che ispirin lis sôs azions di guvier e la ativitât di gjezion dal Comun.

Articul 2 La autonomie e l’adatament dal ordenament comunâl

1. Il Comun à autonomie statutarie, normative, organizzative e finanziarie, che i siei Orghins metin in at cussients dai lôr podês e dal dovê di doprâju par garantî ai citadins i dirits afermâts tal precedent articul.
2. L’esercizi da la autonomie è limitade tai principis afermâts come inderogabîls da la legjislazion in materie dal ordenament dai Ents locâi. La jentrade in vore di gnovis Leçs, che



COMUN DI MONFALCON

afermin chescj principis, oblee il Consei comunâl a adatâ il presint Statût dentri di 120 zornadis.

3. Il Consei comunâl e la zonte, daûr da lis sôs competencis, procedin a la revision dai Regolaments comunâi in vore, adantantju ai principis da lis Leçs afermâts inte precedente disposizion, al presint Statût e a la legislazion che conferîs gnovis funzions.

Articul 3

Orientaments gjenerâi par la organizazion dal Comun

1. Chest Statût è l'at fundamentâl che garantîs l'atuazion da la autonomie organizative dal Comun, sigure il coordinament da lis competencis dai siei Orghins e indrece l'esercizi da lis funzions conferidis al Ent dal ordenament.
2. Par realizâ cun la atuazion dai principis da la autonomie il rinfuarciment istituzionâl dal Comun, condizion pal svilup economic e dal progres sociâl da la comunitât, lis relations tra i Orghins di guvier, Consei comunâl, Sindic e Zonte son ispirâts da une avuâl e positive union di obietîfs e di solidarietât operative che favorîs la realizazion da lis liniis programatichis di mandât e la tutele dai interès e dirits da la popolazion.
3. Il Sindic e il President dal Consei sigurin il miôr ecuilibri tra la azion dai Orghins politic-istituzionâls cun la vicendevule preventive informazion da lis iniziativis di interès gjenerâl da la Comunitât che Consei e Zonte si proponin di realizâ.
4. Lis funzions di control politic-aministratîf e di verifiche da la atuazion da lis liniis programatichis son esercitadis dal Consei comunâl daûr da lis modalitâts operativis stabilidis dal presint Statût e dal Regolament. Lôr àn la finalitât di verificâ la corispondence tra i obietîfs fissâts e i risultâts otignûts, individuand eventuâi câs di impediment, ritarts e rimiedis, cul spirit di colaborazion che à ispirât le sielte unitarie dai programs, par sigurâ che lôr sedin realizâts secont criteris di eficacie, eficiencie e economicitât, di otimizazion da la relacion cosej-vuadagns, ancje a miec di tempestîfs intervients di corezion che risultin necessaris.

PONT 2 FUNZIONI

Articul 4

Rûl e competencis gjenerâls

1. Il Comun è Ent cun competence gjenerâl, rapresentatîf dai interès da la popolazion resident tal so teritori, sigurant la sô tutele e promozion tant che la primarie finalitât dal impegn politic e sociâl dai siei Orghins e da la sô organizazion. Partecipe a sigurâ a la Comunitât lis libertâts individualis e coletivis tor di cui si fonde l'autonomie.
2. Son riservâts al Comun dutis lis funzions aministrativis che riuuardin la popolazion e il teritori comunâl, prin di dut tai setôrs organics dai servizis a la persone e a la Comunitât, da la organizazion, protezion e ordenât sfrutament dal teritori e dal svilup economic.
3. Il Comun è titolâr di funzions propriis e di chês assegnadis dal Stât, da la Regjon autonome daûr dal principis di sussidiarietât. Il Comun puarte indenat lis sôs funzions a mieç di ativitâts che puedin jessi esercitadis da la autonome iniziative dai citadins e da lis lôr formazions sociâls.



COMUN DI MONFALCON

4. Favoris lis diferentis formis di colaborazion cun lis realtâts dal vicin teritori rispjetant lis singulis autonomiis e, daûr dai principis afermâts da la Cjarte europeane da lis autonomiis locâls, sotscriete a Strasburgo il 15 Otubar 1985 aprovade par leç n. 439 dal 30.12.1989, favoris formis di colaborazion internazionâl cun altris Comunitâts locâls ancje a mieç dal istitût dal gemellaggio.

Articol 5

Funzions par la tutele da la persone e da la Comunitât

1. Il Comun, ricognossint il valôr di ducj i singui individuis, promôf e aferme i dirits garantîts a dutis lis personis da la Costituzion e da lis Leçs, difindint la dignitât, la libertât e la sigurece personâl e sosten il miorament da lis cundizions personâls e sociâls. Rapresente e cure i interès da la proprie Comunitât cence distinzions di ses, di raze, di nazionalitât, di lenghe, di religjon, di opinions politichis, di cundizions personâls e sociâls. Lis iniziativis e i intervents realizâts àn di ispirâsi ai principis di justizie e solidarietât.
2. Si impegne a promovì la cressude civîl, sociâl e economiche da la Comunitât e lis stessis cundizions di svilup individûl par ducj i citadins; fâs particolâr atenzion e da prioritât di intervent a lis diferentis cundizions di discomuts, isolament e miserie. In particolâr il Comun da rilêf al so rûl favorint la ocupazion, il drit di vê une cjase, la realizazion dai obietîfs parsore citâts, ancje cun la costituzion di une Consulte permanente su lis pârs oportunitâts om e femine e la solidarietât par lis categoriis plui debilis.

Articol 6

Funzions par la tutele e promozion da lis formazions sociâls

1. Il Comun tutele e promôf il svilup da lis formazions sociâls autonomis cence fin di lucro, tant che lûcs privilegjâts pal svilup dal individui e da la Comunitât. Il Comun favoris e promôf il svilup dal Tierç setôr “No Profit”, cun particolâr atenzion a lis associazions, a lis organizacions di volontariât, a lis organizacions cence fin di lucro di utilitât sociâl e a la cooperazion sociâl.
2. Promôf, pai sogjets indicâts inte precedent disposizion, la creazion di facilitazions, structuris, servizis e implants, sigure un so disciplinât e meritori acès, rispjetant lis normis di Leç e dai regolaments. Promôf il svilup da la culture dal volontariât e da la solidarietât sociâl, cjapant dentri i zovins, ancje a mieç dal Servizi Civîl volontari.
3. Il Comun utilize la consultazion dai citadins, istituint Consulte consiliâr di setôr.

Articol 7

Funzions par la tutele da la salût e da la cualitât da la vite

1. Il Comun colabore a garantî, daûr da lis sôs competencis, il drit da la salût e promôf e cjol iniziativis par miorâ la cualitât da la vite da la Comunitât. Realize significantis iniziativis par la prevention e adote justj struments par rindi concret chest drit, rispjetant la tutele da la salubritât e da la sigurece dal ambient e dal puest di vore, vint ancje rivuart a la promozion da la responsabilitât sociâl da lis impresis presintis sul teritori, stants atents ai problemis dal



COMUN DI MONFALCON

amianto - colegâts, viodût l'enormi pês sociâl da la vicende e i siei alts coscj umans e sociâi, inte formis e inteî mûts che saran ritignûts plui oportuns, a la tutele da la maternitât e da la prime infanzie, dai anzians e dai disabils; lavore par la creazion di un bon servizi di assistance sociâl e sanitarie e favorîs la culture de la prevention e de la educazion alimentâr.

2. Gli intervets sociâi e sanitaris previodûts da lis normis di setôr, la integrazion sociâl e i dirits da lis personis disabils, son coordinâts cui Servizis sociâi, sanitaris, educativis e dal timp libar operants tal teritori daûr da lis modalitâts determinadis dal Regolament.

Articol 8

Funzions par la tutele dal patrimoni naturâl storic e artistic

1. Il Comun considere valôrs fundamentâi l'ambient e il paesaç, adote lis misuris necessariis a la conservazion e a la difese dal teren, par evitâ lis causis di inquinament da l'aiar, da rumôr e da l'aghe. Adate l'azion di tutele da l'ambient ai principis contignûts ta lis normis ambientâls che il Consei Comunâl approve. Tutele il patrimoni storic, artistic, archeologic, paleontologic garantint il so ûs de bande da la comunitât.

Articol 9

Funzions par la promozion da la culture, dal sport e dal timp libar

1. Il Comun promôf il dirit a la istruzion primarie di base par chel che rivuarde la sô direte competence e il dirit a la istruzion secondarie, in colaborazion cun la Provincie; favorîs e sosten al svilup da la istruzion postsecondarie e universitarie in relazion al svilup economic dal teritori e in colaborazion cui Istitûts medis superiôrs, l'Universitât e i Centris di ecelence presints in Regjon.
2. Il Comun cure il svilup dal patrimoni culturâl ancja ta lis sôs espressions da la lenghe, dal costum e da lis tradizions locâi. In particolâr vûl dâ valôr a lis realtât culturâls locâls e dutis lis lenghis minôrs, ricognossint il Sloven la lenghe da la minorance nazionâl tal imprim prisinte tal teritori comunâl. Tutele, da valôr e promôf la integrazion da lis diferentis identitâts culturalis tal teritori comunâl.
3. Cul stes "spirito europeistico", finalizât a eliminâ lis frontieris fisichis e mentâls, il Comun sta atent a la minorance nazionâl taliane che vîf in Istria e tal Quarnero e favorîs la colaborazion tra lis organizzazions e lis associazions dall'Esodo e chês da la stesse minorance nazionâl in un progjet par la tutela da la lenghe e la culture talianis tai teritoris dal Adriatic Nord-Orientâl, lûc storic di incuintri jenfri lis etniis neolatinis (taliane e veneto-furlane) e slave (slovene e croate).
4. Promôf la culture da la pâs e dai dirits umans, promôf lis ativitâts di educazion e di formazion dai zovins; promôf il sport pai diletants e pai zovins; sosten lis ativitâts ricreativis e di autogestion dal timp libar.
5. Il Comun ricognôs la alte funzion formative e educative dal Consei municipâl dai fruts che rapresente un principi a la pratiche democratiche e partecipative par la popolazion preadolescent.



COMUN DI MONFALCON

6. Considerare come colegâts al setôr organic dai Servizis culturâi di assegnazion primarie e necessarie par la Comunitât locâl:
 - a) l'organizazion dal Servizi public di informazion e di publiche leture,
 - b) l'organizazion da lis funzions dal spetacul ta lis sôs svariadis formis,
 - c) la conservazion e l'ûs di bens museâls,
 - d) il svilup da lis arts figurativis,midiant di struments come: la Biblioteche comunâl, il Teatri comunâl, il Museu civic dal Teritori e la Galarie d'art comunâl.
7. Ricognòs la impuartance sociâl dai animâi inte citât e promôf il svilup di une culture di rispiet par lôr, cjapant dentri la Associazion animaliste di volontariât presintis tal teritori.
8. Il Consei Comunâl pues dâ la citadinance onorarie a personalitâts talianis o forestis non residentis tal Comun cun une delibere aprovade almancul dai doi tierçs dai siei components.

Articol 10

Funzions par l'organizazion e il sfrutament dal teritori

1. Il Comun promôf e realize une organiche organizazion dal teritori, cun l'obitîf di un coret svilup dal insediament uman, da lis infrastruturis sociâls e dai implants industriâi, turistics e comerciâi, e di un stabilît sfrutament da lis risorsis ambientâls in autonomie e/o in colaborazion coi Comuns vicins.
2. La organizazion urbanistiche è il strument fundamentâl par la tutele dal teritori di cui tal art. 8. Sigure cun juste dissipline la conservazion da lis carateristichis dal centri abitàt, favorint e judant lis ativitâts di restaur conservatîf e chês di trasformazion urbane, cun particulâr atenzion al trasferiment di ativitâts incompatibiliis cun lis abitazions in altris zonis par lis stessis, indicadis intal setôr dal teritori comunâl. Particolârs garanziis son previodudis par limitâ la edificabilitât da lis zonis culinâris e sogjetis a oblics di conservazion ambientâl, par sigurâ preventivis valutazions da lis cundizions idrogeologichis e par tutelâ il paisaç da intervents che puedin causâ al stes malans e deturpazions, considerant lis normativis in vore in materie.
3. Realize plans di svilup par l'edilizie residenziâl publiche, cul fin di sigurâ il dirit a la abitazion a ducj i citadins, includûts i disabili, favorint il recupar dal patrimoni edilizi a disposizion par la realizzazion di une citât cence barrieris.
4. Predispon la realizzazion di operis di urbanizzazion primarie e secondarie, daûr da lis esigjencis e lis necessitâts definidis dai principis dal presint statût.
5. Garantîs il dirit a la mobilitât di dutis lis categoriis sociâls, in particulâr par lis fassis plui debilis. Realize un sisteme organizât e resonevul di mobilitât complessive e di zonis pedonâls, adantant il stes al dibisugn da la popolazion resident e pendolâr, cun particulâr riuart a lis esigjencis lavorativis, scolastichis, turistichis e ambientâls. Predispon il plan urban dal trafic, favorint l'ûs dai mieçs publics come strument par une mobilitât resonevule.
6. Predispon struments di pront intervent come la squadre di Protezion civîl, di doprâ cuant si verifiche calamitâts publichis.
7. Il Comun di Monfalcone esercite lis funzions di control e di vigjilance in materie urbanistiche e edilizie su la fonde da lis disposizions de la Leç e dai Regolaments.



COMUN DI MONFALCON

Articol 11

Funziuns pal svilup economic

1. Il Comun tutele e promôf lis attivitâts comerciâls, industriâls e artesanâls, ancje in forme cooperative, cun intervents direts e/o in colaborazion cui Ents stabilîts e lis Associazions di categorie, ancje tutelant lis realtâts agriculis presintis tal teritori.
2. Lavore pal rinfuarciment economic da lis Aziendis industriâls publichis e privadis e par la tutele dai puescj di lavôr ca di chestis.
3. Promôf e sosten la riconversion dai setôrs produtîtfs industriâi e agricui cul fin di razionalizâ i consums energetics, minimizâ i efjets negatîfs par la salût dal om e dal ambient e utilizâ in mût resonevul lis risorsis dal teritori.
4. Tutele, promôf e sosten il svilup da lis attivitâts artesanâls e artistichis, adotant oportunis iniziativis par dâ fuarce e valôr sedi a lis tradiziuns sedi a la imprenditorialitât dai zovins.
5. Favorîs la organizazion raziônâl dal sisteme distributîf, cul fin di garantî la miôr funzionalitât e produtivitât dal servizi pal client.
6. Svilupe lis attivitâts turistichis da la fasce costiere e dal teritori di Monfalcone, promovint il rinovament sedi la ordenade espansion dai imprescj sedi dai servizis, rispîtant l'ambient ancje a mieç di formis di consultazion cun lis Associazions di categorie che colaborin a la formazion da la ufierte turistiche, cun la Associazion Pro Loco, cui sogjets publics e privâts interessâts come previodût da lis normis regionâls e naziônâls in materie.
7. Favorîs il svilup e promôf la espansion dal Puart cun particolâr riferiment al adatament da lis infrastruturis e ai servizis di intermodalitât.

Articol 12

Programazion economic – sociâl e teritoriâl. Cooperazion

1. Il Comun adote il metodi da la programazion e da la cooperazion par realizâ lis propriis finalitâts colaborant, in mût autonom, a determinâ i obietîfs contignûts intai programs da la Region e da la Provincie, proviodint par ce che al rivuarde la sô competence a la lôr attuazion.
2. Il Comun, par l'esercizi da lis funziuns in dimensions teritoriâls otimâls, ralize sedi formis di decentrament sedi di cooperazion cun altris Comuns, promovint e/o concludint acuardis di program intai mûts e inte lis formis previodudis da la Leç par la realizazion di oparis, intervents o programs, che àn dibisugn da la ativazion di une procedure complesse par il coordinament e la integrazion da la ativitât di plui sogjets interessâts.
3. Il Comun promôf e partecipe a acuardis cui Ents locâi, includûts in ambits teritoriâi cun origjins storichis e culturâls comunis e cun vocazions teritoriâls similis che, zontant la lôr azion midiant dal confront e dal coordinament dai relatîfs programs, rindin ordenât il procès complessîf di svilup.

Articol 13

Organizazion teritoriâl

1. Cul fin di corispuindi miôr a lis domandis di servizi da la popolazion, il Comun di Monfalcone promôf cun lis realtâts municipâls da la Çampe Isonzo convenziuns par rindi i servizis par la Comunitât valits e vevui e possibilmenti economichis daûr da lis normis dal Test Unic art. 30.



COMUN DI MONFALCON

2. Si impegne a verificâ spes lis pussibilitâts e lis occasions di rivâ a gnovis pussibilis sistemazions teritoriâls, daûr da lis normis previodudis da la Leç nazionâl e regionâl, e opere, in cunvigne coi Comuns dongje, cun l'obietîf di costruî cun lôr une uniche municipalitât.

Articol 14 Partecipazion

1. Il Comun ricognòs tal dirit dai citadins a partecipâ a lis funzions e a lis sieltis aministrativis la cundizion essenziâl di legittimazion da la proprie azion.
2. Ricognòs la impuartance da la libertât e da la democratiche informazion par esercitâ il dirit di opinion, di critiche e di partecipazion e favorîs la so presince e diviersitât. Stabilîs rapuarts valits cun lis agjenziis di informazion e svilupe propriis struments periodics di informazion par la partecipazion e il control.
3. Considerare lis Organizazions e lis Istituzions eletivis sedi sindacâls sedi sociâls, associativis e di categorie, ançe chês politichis, come sogjets di rapresentance dai citadins e da lis realtâts economichis.
4. I Orghins di guvier e di aministrazion ispirin la azion aministrative daûr dai principis che realizin un rapuart viert, libar e democratic, di positive colaborazion cun la Comunitât, che rint pussibil a ducj i citadins l'esercizi dai lôr dirits e aferme i valôrs da la solidaritât, cundizions par la civîl convivençe e il progrès sociâl da la popolazion.
5. Il Comun, Istituzion plui vicine territorialmente ai citadins, à il compit di realizâ l'esercizi da lis funzions e compits de bande dai individuis, da lis fameis e da lis formazions sociâls che cussî partecipin in mût diret a la ativitât dal Comun.

Articol 15 Esercizi da lis funzions e rapuarts cui citadins. Decentrament

1. I regolaments e i proviodiments di caratar regolamentâr dissiplinin l'esercizi da lis funzions e la organizazion dai Servizis cun sistemis che consintin l'îmediât, comut, util e economic ûs de bande da la popolazion da lis prestazions cui stes disponûts.
2. L'adatament da la organizazion a lis precedentis finalitâts aven daûr di programs e modalitâts che tegnin cont dai dibisugns e dai disasis da la popolazion, in particolâr di chês che par etât, cundizions fisichis o economichis à maiôrs dificoltâts di acès a lis sedis comunâls e ai centris dotâts di Servizis publics e privâts.
3. Un regolament definîs lis cundizions da lis personis inabilis, no abenadis e in cundizions di miserie che no son obleadis a rimborsâ lis spesis sostignudis dal Comun e a paiâ i dirits comunâi.
4. Il Consei comunâl verifiche regolarmenti, dentri di e no indevant dal 30 Setembar di ogni an, la necessitât di un maiôr decentrament dai Servizis aministratîfs, sociâi, culturâi e ricreatîfs, fasint riferiment a lis realtâts dai borcs, ai dibisugns sociâi e in relazion a lis risorsis a disposizion.

Articol 16 Atuazion dal principi di sussidiarietât

1. I Orghins di guvier e di organizazion dal Comun assumin jenfri i principis che regolin l'esercizi de la autonomie normative e organizzative il principi di sussidiarietât, afermât intai



COMUN DI MONFALCON

regolaments in vore, aditant al stes lis normis dal presint Statût, i Regolaments e l'organizazion comunâl.

2. I citadins, liberamenti riunîts in Associazions e formazions sociâls, daûr dal art. 6, puedin esercitâ ativitâts e servizis di competence comunâl, intai setôrs sociâi, culturâi, sportîfs e ambietâi. Un oportun Regolament dissipline i recuisîts dai proponents, i temis e lis modalitâts daûr da lis cualis son cjàpâts in esam dai Orghins comunâls i projets presentâts. In materie il Comun si adate a lis oportunis normis nazionâls e regjonâls che dissiplinin lis convenzions in cuistion.

Articul 17

La semplificazion amministrative e documentâl

1. Il Comun met in vore lis disposizions in materie di documentazions amministrativis stabilidis da lis normis in vore e seguitivis modificazions. Dispon la plui complete semplificazion procedimentâl e documentâl da la ativitât dai Orghins di guvier e da la organizazion da la gjestion autorizade, daûr da la proprie autonomie, da la leç in vore. L'obietîf di cheste azion è la eliminazion da lis proceduris che aflizin, par fature e coscj, su la popolazion e realtâts economic-produttivis, cence che otegni utilitât e beneficis adats ai sacrificis che devi sostignî. Il risultât dêf jessi une organizazion rinovade, essenziâl e economiche da lis ativitâts comunâls che assolti in maniere juste ai dovês tai confronts dai citadins e da lis realtâts economic-produttivis.

Articul 18

Teritori, confenon e bandiere

1. Il teritori dal Comun di Monfalcone confine cui Comuns di Staranzano, Ronchi dei Legionari, Doberdò del Lago, da la Provincie di Gorizia e cul Comun di Duino – Aurisina, da la Provincie di Trieste. Il confin dal teritori è indicât te Cjarte Tecniche Numeriche da la Region Autonome Friuli – Venezia Giulia.
2. Il Comun di Monfalcone, decorât cun Medaie di Arint al Valôr Militâr à un propri confenon e un propri steme, come da dissen alegât, e il titul di “citât”, in regule cun la legislazion araldiche e il decret governatif n. 11022 dal 1° Avrîl 1937.
3. In rivuart a la legislazion dal Stât in materie, oportun regolament disipline l'ûs dal confenon e dal steme e ancje i câs di concession in ûs dal steme a Ents e Associazions che operin tal teritori comunâl e lis relativis modalitâts.
4. La sede dal Comun è in Monfalcone, intal Palaç municipâl, di Place da la Republiche 8.



COMUN DI MONFALCON

TITUL II ORGHINS DAI COMUNS

Articul 19 **Orghins**

1. Son Orghins di guvier dal Comun il Consei comunâl, la Zonte comuâl e il sindic.

PONT 1 **CONSEI COMUNÂL**

Articul 20 **Costituzion**

1. La elezion dal Consei comunâl, la durade in cjarie, il numar dai conseîrs e la lôr posizion juridiche son regolâts da la Leç.
2. I Conseîrs jentrin in cjarie cun l'at da la proclamazion o ben a pene il Consei adote la relative delibere.
3. Il Consei dure in cjarie fin la elezion dal gnûf, limitantsi, dopo la publicazion dal decret di scomençament dai comizis elettorâi, a adotâ i ats urgjents e inderogabîls. Chescj ats àn di contignî informazions rivuart ai mutîfs di urgjence che àn rindude necessarie la lôr adozion.
4. La prime convocazion dal Consei comunâl è disponude dal Sindic dentri di 10 zornadis da la proclamazion dai elets
5. Il Consei procêt, come so prin at, a l'esam da la convalida dal Sindic e dai Conseîrs, procêt a la nomine dal President dal Consei e dal Vicepresident, ricêf dal Sindic il zurament di osservâ cun lealtât la Costituzion taliane e la comunicazion de la nomine de la Zonte; elei jenfri i siei components la Comission elettorâl comunâl.
6. Il President e il Vicepresident son nomenâts in rapresentance de la maiorance e de la minorance dal Consei. La elezion dal President e dal Vicepresident si verifichin cun la stesse votazion e ogni Conseîr pues votâ un sôl non. Son elets i Conseîrs che otegnin la maiorance dai vòts.
7. Fin a la nomine dal President il Consei comunâl è diret dal Conseîr plui anzian.

Articul 21 **Liniis programaticis di mandât**

1. Dentri di 10 zornadis da la prime riunion dal Consei il Sindic, sintude la Zonte, trasmet al President il test da lis liniis programaticis relativis a lis azions e ai progjets di realizâ vie pal mandât.
2. Il President dal Consei rimet subite copie dal document dal Sindic a ducj i capogrupps dal Consei che podaran presentâ par iscrit dentri di 10 zornadis dal riceviment, eventuâls osservazions. Il President invie subite lis osservazions al Sindic.
3. Te riunion seguitive a chê di insediament, il Sindic, sintude la Zonte, presente al Consei lis liniis programaticis relativis a lis azions e ai progjets di realizâ vie pal mandât.



COMUN DI MONFALCON

Articol 22

Grups dal Consei

1. I Conseîrs si riunisin in grups, la lôr costituzion, la sede di convocazion e la lôr relazion cui Orghins e Ufîcis dal Comun son disciplinâts dal Regolament dal Consei comunâl.
2. E' istituide la Conference dai Capogrupps e lis sôs funzions e ativitâts son stabilidis dal Regolament dal Consei comunâl.

Articol 23

Comissions dal Consei

1. Il Consei Comunâl si servîs di Comissions permanentis, par grups organics, pai ats di sô competence e ancje di control, cun funzions preparativis e referentis. I Dirigjents sostegnin la ativitât da lis Comissions daûr da lis formis e lis modalitâts previodudis dal Regolament dal Consei comunâl.
2. A lis Comissions pues jessi assegnât dal Consei il compit di scrivi il test di ats deliberatîfs, ancje di nature regolamentâr e di direzion, che devin jessi sopognets a la votazion dal Consei.
3. Lis Comissions son costituidis didentri daûr dal criteri proporzionâl, garantint la rapresentance di ducj i grups, pai obietîfs indicâts dal Titul 1 dal presint Statût e daûr da lis modalitâts previodudis dal Regolament dal Consei comunâl, che disipline ancje il so funzionament e lis formis di publicitât dai lavôrs.
4. Fasint ecezion al principi di rapresentance di ducj i grups dal Consei, podarà jessi costituide la Commission consiliâr par lis pârs oportunitàs componude par solit dai amministrazôrs comunâls di ses feminin.
5. Lis riunions son publichis infûr dai câs previodûts dal Regolament.
6. Cuan che la impuartance da la materie lu pretint, puedin jessi costituidis Comissions consiliârs no permanentis che esaurissin il lôr mandât cun la redazion di un document finâl. Il Regolament dal Consei comunâl disipline il lôr funzionament.
7. Il Consei comunâl istituîs didentri Comissions consiliârs cun funzions di control o di garanzie, assegnant la lôr presidence a lis oposizions.
8. Il Consei comunâl a maiorange assolude dai siei membris pues istituî didentri Comissions di investigazion su la ativitât da la Amministrazion.
9. Il Consei comunâl istituîs didentri la Conference di Programazion consiliâr componude dai Capogrupps dal Consei, dai Presidents da la Commission e dal Vicepresident e è direte dal President dal Consei.
10. I podês, la coposizion e il funzionament da lis Comissions, di cui tai commi 7, 8 e 9, son disciplinâts dal Regolament dal Consei comunâl.

Articol 24

Convocazion dal Consei

1. Il Regolamento dal Consei comunâl definîs lis modalitâts di convocazin dal Consei comunâl e previôt formis di consultazion da lis Comissions consiliârs e de la Conference dai Capogrupps prime da lis riunions dal Consei.
2. A lis riunions dal Consei comunâl partecipin ancje i assessôrs esternis, cun dirit di paraule ma cence dirit di vôt.



COMUN DI MONFALCON

Articol 25

Il President dal Consei comunâl

1. Son assegnâts al President dal Consei comunâl podês di convocazion, di direzion dai lavôrs e da la ativitât dal Consei. Il President dal Consei comunâl rapresente in mût istituzionâl il Consei comunâl.
2. In câs di temporanie assence, impediment o licenziament dal President, il Consei è convocât e diret dal Vicepresident o dal Conseîr anzian o ben da un altri Conseîr in ordin di anzianitât.
3. Il President dal Consei acete lis moziions, lis interpellancis, lis interrogazions e lis raccomandazions e controle il rispjet dai tiermins par lis rispuestis de bande dal Sindic o dal Assessôr delgât e ancje lis regulis da lis stessis indicadis tal Regolament dal Consei comunâl.
4. L'Ufici dal President dal Consei è componût dal President e dal Vicepresident; cure l'ordin dal dì da lis riunions da la Conference di programazion dal Consei e de la Conference dai Capogrupps.
5. Il President, dentri da la Conference di programazion consiliâr, organize il lavôr dai Presidents di Comission, sigure une corete e preventive informazion ai grups consiliârs e ai singui Conseîrs sul cont da lis cuistions sopognetis al Consei.
6. Il President è responsabil da la autonomie dal Consei intai confronts dal Esecutîf; a tâl fin manten une autonomie organizzative, funzionâl e contabîl.
7. Promôf de bande dal Consei lis formis di garanzie e di partecipazion da lis minorancis previodudis dal Statût.
8. Organize, daûr di chel che è stabilît dal presint Statût, la partecipazion dal Consei al adatement e verifiche periodiche da lis liniis programaticis de bande dal Sindic e dai singui Assessôrs.
9. Organize l'ativitât dal Consei par la promozion, la partecipazion e la consultazion dai citadins ancje midiant da lis lôr Organizzazioni di rapresentance cui struments dal Statût e dai Regolaments.
10. Promôf ogni azion necessarie par la tutele dai dirits dai Conseîrs comunâi previodûts dal Statût e dai Regolaments.
11. Cure relaziions periodichis dal Consei cul Orghin di revision economic-finanziarie e cul Difensôr Civic, daûr di chel che è previodût da la Leç e dal Statût.

Articol 26

Funzionament dal Consei comunâl

1. Il Consei è dotât di autonomie funzionâl e organizzative: son previodudis par il so funzionament struturis a pueste (Servizis, Segreterie e Ufici di staff, struments e risorsis finanziariis) che son disciplinadis a mieç dal Regolament.
2. L'ativitât dal Consei è disciplinade dal relatîf Regolament aprovât a maiorange assolude dai Conseîrs assegnâts.
3. Lis riunions dal Consei son publichis, gjavant i câs previodûts dal Regolament.

Articol 27

Conseîrs

1. I Conseîrs esercitin lis lôr funziions cence vincul di mandât e rapresentin l'intîr teritori comunâl. Lôr, singui o in grups, àn dirit di iniziative inte materie di competence dal Consei



COMUN DI MONFALCON

- e ancje il sindacât ispetîf par mieç da la presentazion di interrogazions, interpellancis, mozions e l'acès ai ats.
2. Lis rispuestis son di presentâ dentri dal tiermin di 30 zornadis da la presentazion dai ats di sindacât ispetîf, intal prin Consei util. Tal câs che chest tiermin no sei rispietât, i ats di sindacât ispetîf son esponûts tal albo pretori par 15 zornadis. In contemporanie cun la esposizion da la albo il President dal Consei sburte in maniere formâl il Sindic a rispuindi intal prin Consei util. Passât il tiermin di 10 zornadis da la solecitazion, il President dal Consei è obleât a riunî la assemblee cun un unic pont al O.d.G. la rispueste al at di sindacât ispetîf. In câs di suspension da lis ativitâts par il periodi feriâl i tiermins dal presint comma son prorogâts su la fonde di un proviodiment justificât dal President dal Consei su propueste da la Conference dai Capogrupps.
 3. I Conseîrs àn il dovê di partecipâ a lis riunions dal Consei. Tal câs che no intervegnin a trê riunions dal Consei comunâl di file, cence justificât mutîf, son declarâts decjadûts. La decjadence è pronunciade dal Consei comunâl di ufici o daûr de domande di cualsisei eletôr dal Comun, passât il tiermin di 10 zornadis da la notifiche al interessât da la propueste di decjadence.
 4. I Conseîrs àn dirit a otignî dai Ufiscis dal Comun, includint i ufiscis pai controis internis, da lis Aziendis e dai Ents di lui dipendents, i documents e lis informazions utilis par realizâ il so mandât. L'acès inclût la pussibilitât, par ogni Conseîr, midiant da la vision dai ats e dai proviodiments adotâts e l'otigniment di notiziis e informazions, di eseguî une complete valutazion dal operât da la Aministrazion, par l'esercizi cussient da lis funzions di direzion e control politic-aministratîf assegnadis al Consei da la Leç.
 5. I Conseîrs àn dirit a otignî dai Ufiscis dal Comun, da lis Aziendis e dai Ents di lui dipendents, daûr de lôr domande, copiis informâlis di deliberis e proviodiments, necessariis e utilizâbilis dome par l'esercizi dal mandât, cun esenzion dal paiament di dirits, rimbors dai coscj e altris oblics.
 6. I Conseîrs son obleâts al segret, intai câs previodûts da la Leç.

Articol 28 Siolzi il Consei

1. Il Consei comunâl pues jessi siolzût intai câs previodûts da la Leç.

Articol 29 Competencis dal Consei

1. Il Consei è l'Orghin di direzion e control politic-aministratîf.
2. Il Consei à competence dome in merit a chescj ats fundamentâi:
 - a) Statûts dal Ent e da lis Aziendis speciâls, Regolaments;
 - b) programs, relazions di prevision e programatichis, plans finanziariis, programs triennâi e liste anuâl dai lavôrs publics, balançs anuâi e pluriennâi e relativis variazions, rendicont, plans pal teritori e par la citât, programs anuâi e pluriennâi par la lôr atuazion, eventuâls lôr ecezions, parês su chestis materiis;
 - c) convenzions tra i Comuns e chês tra i Comuns e Provincie, costituzion e modificazion da lis formis associativis;
 - d) istituzion, compits e normis sul funzionament dai Organisms di decentrament e di partecipazion;



COMUN DI MONFALCON

- e) assunzion direte dai publicis Servizis, costituzion di Istituzions e Aziendis speciâls, concession dai publicis Servizis, partecipazion dal Ent locâl a societâts di capitâi, affidament di ativitâts o servizis midiant di convenzion;
 - f) istituzion e ordenament dai tribûts, cun ecezion da la determinazion da lis relativis percentuâls di impueste; discipline gjenerâl da lis tarifis pal ûs di bens e servizis;
 - g) direzions che lis Aziendis publichis e i Ents dependents, sovvenzionâts o sopognets a vigilance, àn di osservâ;
 - h) contrazion di mutuis no previodûts in ats fundamentâi dal Consei comunâl e emission di prestits obligazionai;
 - i) spesis che impegnin i balançs dai esercizi seguitîfs, cun ecezion di chês relativis a la locazion di imobii e a la somministrazion e furnidure di bens e servizis a caratar continuatîf;
 - j) acuisce e venditis imobiliârs, relatîfs scambis, appalts e concessions che no sedin previodûts in ats fundamentâi dal Consei o che no costituedin semplice esecuzion di lui e che in ogni câs no competin la ordinarie aministrazion di funzions e servizis di competence da la Zonte, dal Segretari o di altris funzionaris;
 - k) definizion da lis direzions par la nomine e la sielte dai rapresentants dal Comun ca di Ents, Aziendis e Istituzions e ancje nomine dai rapresentats dal Consei ca di Ents, Aziendis e Istituzions a lui risiervade da la Leç.
3. Il Consei no pues delegâ chest podê a altris Orghins.
 4. La funzion di programazion, proprie dal Consei comunâl, si palese in particolâr cun la adozion, cul fin di predisponi il balanç pluriennâl e anuâl, di un document di direzin, che contegni, cun riferiments pluriennai e anuai, une ipotesis sull'andament complessîf da lis risorsis disponibilis e macro obietîfs gjenerai, dividûts par areis organichis di setôr. Il Regolament di contabilitât discipline i mûts par la formazion e aprovazion dal balanç.
 5. Il Consei partecipe al adatement permanent e a la verifiche periodiche da la atuazion da lis liniis programatichis dal Sindic e da la Zonte.
 6. La verifiche de bande dal Consei da la atuazion dal program aven contestualmente a la verifiche da la esistence dai eculibris gjenerai di balanç, previodude da lis Leçs. L'adatement de bande dal Consei comunâl aven contestualmente al proviodiment di adatement gjenerâl dal balanç di prevision, midiant dal cuâl si realize la verifiche di dutis lis vôs ativas e passivis, comprendint il font di riserve.
 7. Il Regolament dal Consei comunâl garantîs la reâl partecipazion e aprofondiment da lis mozions da la Zonte, midiant di une separade analisi par areis organichis inte lis Comissions consiliârs.

Articul 30

Publicitât da lis spesis elettorâls

1. Cul fin di dâ publicitât da lis spesis sostignudis par propagande vie par lis campagnis par lis elezions comunâls, la declarazion preventive e il rendicont da lis spesis presentâts dai candidâts e da lis listis son disciplinâts dal Regolament dal Consei comunâl.



COMUN DI MONFALCON

PONT 2 ZONTE COMUNÂL

Articul 31 Composizion

1. La Zonte comunâl è componude dal Sindic che le comande e da un numar massim di 8 (vot) Assessôrs, o dal numar massim di Assessôrs previodût da la Leç, se inferiôr.

Articul 32 Nomine da la Zonte comunâl

1. I components da la Zonte comunâl son nomenâts dal Sindic; la discipline da la nomine, durade e decjadence de la Zonte comunâl è determinade e regolade da la Leç.
2. Puedin jessi nomenâts Assessôrs ancje citadins che no fasin part dal Consei, che àn i requisîts par candidasi e di jessi elets e che puedin esercitâ la funzion di Conseîr comunâl.

Articul 33 Anzianitât dai Assessôrs

1. Intal at di nomine dai Assessôrs il Sindic pues disponi i nons in ordin di anzianitât da lui determinât; in chest câs à di declarâlu al Consei cuant che comuniche la nomine da la Zonte.
2. Tal câs che la declarazion di cui al comma precedent no sedi stade rindude, Assessôr anzian è il plui anzian di età.
3. Funzion dal Assessôr plui anzian, e eventuâlminti dai altris Assessôrs in ordin di anzianitât tal câs di assence dal Vicesindic, è sostituî il Sindic assent o impedît, sedi come cjâf da la Aministrazion comunâl sedi come Uficiâl di Guvier.

Articul 34 Convocazion e funzionament da la Zonte

1. La Zonte comunâl è convocate dal Sindic che la dirêç e che à il dovê di determinâ arguments di meti al ordin dal dì.
2. Lis riunions da la Zonte comunâl no son publichis e lis votazions son palesis. A lis riunions puedin partecipâ cence drit di vôt e su determinazion dal Sindic personis che no apartegnin al Coleç, dilunc la tratazion di specifics arguments, che dovaran bandonâ la riunion dilunc lis votazions.
3. A lis riunions da la Zonte partecipe il Segretari Gjenerâl, o tal câs di sô assence o impediment, il Vicesegretari, cun compits consultîfs e di assistance e cure la redazion dal verbâl da la riunion.
4. La Zonte comunâl è validamenti riunide cuant è presinte la maiorance dai propriis components e delibere a maiorance semplice dai membris presints a la riunion.
5. Pretindin une votazion segrete lis deliberazions che riuuardin personis cuant sedi esercitade une facoltât discrezionâl fondade sul agradiment da lis cualitâts sogjetivis di une persone o su la valutazion da lis sôs azions.
6. La ativitât da la Zonte comunâl è colegjâl e rispuint dal so operât devant dal Consei comunâl.



COMUN DI MONFALCON

Articol 35

Competencis da la Zonte

1. La Zonte comunâl colabore cul Sindic te aministrazion dal Comun e opere a mieç di deliberacions colegjâls. Puarte indenant ducj i ats di aministrazion che no sedin risiervâts da la Leç o dal Statût al Consei, al Sindic, al Segretari Gjenerâl, al Diretôr Gjenerâl o ai Dirigjents.
2. Colabore cul Sindic par la atuazion da lis direzions gjenerâls dal Consei, riferis anuâlmenti al Consei (in chê di aprovazion dal rendicont consuntîf) su la proprie ativitât e puarte indenant ativitâts propositivis e di sburt intai confronts dal stes, agjint colegjâlmenti cun finalitâts di eficencie, di ecuilibri finanziari te conduzion aministrative, economiche e patrimoniâl.
3. È compit da la Zonte comunâl la adozion dai Regolaments su l'ordenament dai Ufiscis e dai Servizis, risprietant lis regulis gjenerâls stabilidis dal Consei.
4. In particolâr è compit da la Zonte:
 - a) assumi ativitâts di iniziative, di sburt e di colegament cul Consei e cui Istitûts di partecipazion;
 - b) proponi al Consei i Regolaments previodûts da lis Leçs e dal Statût;
 - c) operâ sieltis in rivuart a la discrezionalitât aministrative, cun la indicazion dai fins e il ricognossiment da lis scjalis di prioritât, osservant lis direzions dadis dal Consei;
 - d) definî lis cundizions e aprovâ lis convenzions cun sogjets publics e privâts, che rivuardin oparis e servizis e in materie urbanistiche, fatis salvîs lis competencis dai altris Orghins;
 - e) costituî in ocasion dal davuelziment di referendum consultîfs, l'Ufici comunâl par lis elezions, comprendint la verifiche da lis regolaritâts dal procediment;
 - f) aprovâ dissens e sugjeriments di proviodiments di sopognî a la determinazion dal Consei;
 - g) disponi la acetazion o il refût di donazions, fatis salvîs lis competencis di altris Orghins;
 - h) autorizâ il Sindic a stâ in judizi, giurisdizionâl o aministratîf, come atôr o convignût, a aprovâ lis transazions;
 - i) esercitâ lis funzions delegadis dal Stât, da la Regjon o da la Provincie, cuant no espressamenti assegnadis da la Leç e dal Statût a altri Orghin;
 - j) aprovâ lis modificazions dal bilanç e adotâ in vie d'urgjence lis deliberazions a rivuart da lis variaçions dal bilanç, sopognintlis a ratifiche dal Consei inte lis 60 zornadis seguitivis a pene di decjadence;
 - k) determinâ i modei di rilevazion par la concretizazion dal control economic interni di gjestion;
 - l) determinâ la dotazion organiche complessive dal personâl;
 - m) assegnâ, a ogni dirigjent, une cuote part dal bilanç da la Aministrazion, commisurade a lis risorsis finanziariis, riferibile ai procediments o subprocediments assegnâts a lis responsabilitâts dal servizis e ai dovês par il personâl e par lis risorsis funzionalis al stes assegnadis.



COMUN DI MONFALCON

PONT 3 SINDIC

Articol 36 Il Sindic

1. Il Sindac è l'Orghin responsabil da la Aministrazion dal Comun. E' cjâf da la Aministrazion e rapresentant dal Comun, convoche e dirêç la Zonte comunâl e verifiches il funzionament dai Servizis e dai Ufics e la esecuzion dai ats.
2. Distintîf dal Sindic è la fasce tricolôr cul steme da la Republiche, e il steme dal Comun di puartâ a tracolla da la spale diestre.

Articol 37 Competencis come Orghin da la Aministrazion

1. Il Sindic nomene i components da la Zonte comunâl e dâ comunicazion di lôr al Consei te prime riunion seguitive a lis elezions. Poes revocâ un o plui Assessôrs dant justificade comunicazion al Consei.
2. Presente al Consei lis liniis programaticis relativis a lis azions e ai progjets di realizâ vie pal mandât.
3. Il Sindic à la rapresentance gjenerâl dal Ent e pues stâ in judizi intai procediments giurisdizionâi o aministratîfs come atôr o convignût, sintude la Zonte comunâl.
4. A' la direzion e il coordinament da la ativitât politiche.
5. Fisse cun gli Assessôrs interessâts lis declarazions e lis posizions publichis che interessin l'Ent, che chescj ultins intindin rilassâ.
6. Promôf e cjol iniziativis par concludi acuardis di program cun ducj i sogjets previodûts da la Leç, daûr da lis direzions stabilidis dal Consei comunâl.
7. Presente al Consei comunâl lis propriis evenuâls dimissiôns.
8. Convocâ i comizis pai referendum consultîfs.
9. Adote lis ordenancis fatis salvîs lis competencis dai altris Orghins.
10. Promôf e assum iniziativis par sigurâ che Ufficis, Servizis e Istituzions e ancje Aziendis speciâls e Societât partecipadis dal Comun, cumpledin la lôr ativitât daûr dai obietîfs indicâts dal Consei e in coerence cun lis direzions attuativis stabilidis da la Zonte comunâl.
11. Da indicazioni al Segretari comunâl, al Diretôr Gjenerâl e ai Dirigjents, par ce che al rivuarde lis direzions funzionâls e di vigilance su la interie gjestion aministrative di ducj i Ufics e Servizis.
12. Determine i oraris di vierzidure al public dai Ufics e dai Servizis comunâi.
13. Adote ducj i altris proviodiments di nature discrezionâl, no colegjâl o gjestionâl che il Statût no vedi assegnât ai Dirigjents e/o al Segretari Gjenerâl e/o al Diretôr Gjenerâl.
14. Coordene e riorganize daûr da lis indicazioni pandudis dal Consei comunâl e daûr dai criteris indicâts da la Regjon i oraris dai esercizi comerciâi, dai publics esercizi e dai Servizis publics e ancje, in acuardi cui responsabii teritorialmenti competents da lis Aministrazions interessadis, i oraris di vierzidure al public dai Ufics periferics e da lis Aministrazions publichis periferichis.
15. Informe la popolazion su situazions di pericul e di calamitâts naturâls.
16. Conferîs e definîs lis funzions dirigjenziâls e chês di colaborazion esterne, daûr da lis modalitâts e criteris stabilîts dal Regolament di organizazion dai Ufics e dai Servizis e dal Statût.



COMUN DI MONFALCON

17. Il Sindic nomene e revoche i rapresentants dal Comun ca di Ents, Istituzions, Aziendis speciâls e Societâts partecipadis, daûr da lis indicazions pandudis dal Consei.

Articul 38

Deleghe di funziions e temporanie sostituzion

1. Il Sindic à facultât di delegâ, cun so proviodiment, a ogni Assessôr la tratazion di determinadis materiis o progjets, cun deleghe a firmâ i ats, che no sedin stâts assegnâts ai Dirigjents, ai cuâi è assegnade la gjestion aministrative.
2. Il Sindic pues modificâ la atribuzion dai compits e da lis funziions di ogni Assessôr, ogni volta che, par mutîfs di coordinament e funzionalitât, lu ritegni oportun.
3. Lis deleghis e lis eventuâls modificazions dal precedent comma àn di jessi fatis par scrit e comunicadis al Consei.
4. Tal esercizi da lis funziions delegadis l'Assessôr è responsabil intai confronts dal Comun e di tierçs, daûr da lis normis gjenerâls da lis responsabilitâts.

Articul 39

Il Vice Sindic

1. Il Vice Sindic è nomenât dal Sindic jenfri i components da la Zonte. Sostituìs il Sindic in câs di assence o di impediment temporani, e ancje in câs di suspension dal exercizi da la funzion.
2. A' la funzion di Sindic in câs di dimissions, impediment permanent, rimozion, decjadence o muart dal Sindic fin a lis elezions dal gnûf Consei e dal gnûf Sindic.

Articul 40

Competencis come Orghin di vigilance

1. Il Sindic tal exercizi da lis sôs funziions di vigilance oten in mût diret ca di ducj i Ufiscis e Servizis lis informazions e i ats, ancje riservâts, e pues stabilî la raccolte di ats, documents e informazions ca di Aziendis speciâls, Istituzions e Societâts par azions dal Ent, midiant dai rapresentants legâi da lis stessis.
2. Puarte indenant i ats conservatîfs dai dirits dal Comun e promôf, in mût diret o servintsi dal Segretari comunâl o dal Diretôr se nomenât, lis investigazions e lis verifichis aministrativis su la interie ativitât dal Comun.
3. Il Sindic promôf e cjol iniziativis par sigurâ che Ufiscis, Servizis, Aziendis speciâls, Istituzions e Societâts che apategnin al Comun, puartin insom lis lôr ativitâts daûr dai obietîfs indicâts dal Consei e in coerenca cun lis direzions attuativis pandudis da la Zonte.

Articul 41

Atribuzion di organizazion

1. Il Sindic tal exercizi da lis sôs funziions di organizazion dispon la convocazion da la Zonte comunâl par la verifiche da lis iniziativis iscritis ancje da ogni Assessôr.
2. Ricêf interpellancis, interrogazions e raccomandazions che son tratadis in aule daûr da lis modalitâts disciplinadis dal Regolament; a la interpellance o a la interrogazion cun istance di rispueste scrite, il Sindic o l'Assessôr di lui delegât furnirà rispueste dentri dal tiermin di 30 zornadis.



COMUN DI MONFALCON

Articul 42

Competencis pai Servizis Statâi

1. Il Sindic cure, da indicazions e esercite vigilance intai Servizis di competence statâl previodûts da la Leç.
2. Midiant di deleghe ai Ufiscis da la Anagrafe e di Stât Civîl rilasce i certificâts previodûts da lis Leçs e dai Regolaments che rivedin situazions che risultin dai registris e dai schedaris da la anagrafe, dai registris di Stât Civîl o da altris ats e documents dal Comun.

Articul 43

Mozion di Sfiducie

1. Il vôt dal Consei comunâl contrari a une propueste dal Sindic o da la Zonte no impliche lis lôr dimissions.
2. Il Sidic e la Zonte cessin lis lôr funziions tal câs di aprovazion di une mozion di sfiducie votade cun apel nominâl da la maiorance assolude dai components dal Consei.
3. La mozion di sfiducie à di jessi motivade e sotscribe da almancul 2/5 dai Conseîrs assegnâts, cence contâ a tâl fin il Sindic, e è discutude no prime di 10 zornadis e no oltri 30 da la sô presentazion. Se la mozion è aprovade, si procêt al solziment dal Consei e a la nomine di un Comissari, daûr da lis Leçs in vore.



COMUN DI MONFALCON

TITUL III ORGHINS BUROCRATICS E RELATÎF ORDENAMENT

Articul 44 **Principis organizatîfs**

1. La organizazion dal Comun è destinade a garantî une gjection juste e economiche da lis risorsis finanziariis e dal patrimoni, fondade su la transparence, imparzialitât e otimizazion dai procès produtîfs, in relazion a concets di eficencie, eficacie e economicitât, e a sigurâ la separazion tra lis funziions di direzion e control riservade ai Orghins di guvier dal Ent e chê gjectionâl assegnade ai Dirigjents.
2. Daûr di chescj principis, l'ordenament dai Ufiscis e Servizis sarà disciplinât da un clâr Regolament che fasarà riferiment a chescj principis organizatîfs:
 - a) garantî une strutture flessibile, di mût che i Servizis, par rispuindi in mût otimâl a la nature dal compit lôr assegnât, puedin ancje adotâ didentri modei organizatîfs diferents;
 - b) garantî il coordinament de la azion da lis svariadis Unitâts operativis e cun chest fin istituî formis permanentis di coordinament a nivel burocratic, cun la istituzion da la Conference dai Dirigjents;
 - c) previodi, par l'otigniment di compits specifics e progjets di caratar straordenari o limitâts tal timp, o in ogni câs che costituî une unitât organizzative stabile no sarà ritignût economic, la istituzion di grups di lavôr, ancje cun personâl di altris unitâts organizativis, sot la direzion di un responsabil di projet;
 - d) meti in vore sistemis di control operatîf, par la verifiche dal otigniment dai obietîfs e la valutazion dai risultâts;
 - e) garantî un sisteme di informazion, interni e esterni, ampli e difondût, ancje a supuart di chel che è stât descrit tai precedents commi;
 - f) dâ valôr al miorament dal personâl e, a chest fin, promuovi e meti in vore i programs di formazion, aggiornament e cualificazion professionâl.

Articul 45 **Il personâl**

1. Rispietant i principis di cui al precedent articul, cun relatîf Regolament son disciplinâts:
 - a) la dotazion organiche complessive dal personâl;
 - b) la organizazion di Ufiscis e Servizis;
 - c) i criteris par la assegnazion dal personâl a lis singulis unitâts organizativis, rispietant la professionalitât vude dai singui, ma ancje da la esigjence di flessibilitât e duncje di aggiornament e eventuâl riconversion professionâl e di mobilitât interne, necessaris par meti in vore il model organizatîf flessibil dal precedent comma;
 - d) i procediments, cun riferiment a la normative di Leç e a la contratazion coletive, di selezion par l'acès al lavôr, di inviamet al lavôr e di progression di cariere, la atribuzion da lis cualifichis e dal tratament economic e in gjenerâl il stât juridic dal personâl dipendent;
 - e) la responsabilitât, cun riferiment a la normative di Leç e contratuâls.



COMUN DI MONFALCON

Articol 46

Il Diretôr Gjenerâl

1. Il Sindic, cun deliberazion de la Zonte comunâl, pues nomenâ un Diretôr Gjenerâl, difûr da la dotazion organiche e cun contrat a timp determinât, daûr dai criteris stabilîts dal Regolament di organizazion dai Ufiscis e dai Servizis, che dissipline lis sôs funzions.
2. Il Diretôr Gjenerâl à di jessi sielzût jenfri personis che àn i recuisîts di onorabilitât e professionalitât, e ancje specifiche e documentate esperienze te la gjestion di Ents e/o Aziendis, di mediis o grandis dimensions, daûr di precîs criteris stabilîts dal Regolament di organizazion dai Ufiscis e Servizis.
3. Il Diretôr Gjenerâl si ocupe di meti in vore lis direzions e i obietîfs stabilîts dai Orghins di guvier dal Ent, daûr da lis indicazions dal Sindic; decît par ce che al rivuarde cuistions di competence funzionâl che vignissin fûr jenfri i orghins gjectionai dal Ent.
4. Il Diretôr Gjenerâl cure la gjestion dal Ent, vint come obietîfs nivei otimâi di eficacie e eficencie e a lui rispuindin, tal esercizi da lis funzions lôr assegnadis, i Dirigjents.
5. La durade da la incarghe no pues superâ chê dal mandât eletîf dal Sindic, che pues in ogni câs procedi a la sô revoche dopo deliberazion de la Zonte comunâl, intai câs previodûts dal Regolament di organizazion.
6. Il Diretôr Gjenerâl predispon la propueste di plan esecutîf di gjestion e il precîs plan dai obietîfs, ancje midiant da la raccolte e il coordinament da lis propuestis formuladis dai Dirigjents, in coerence cui obietîfs programatics da la Aministrazion.
7. Tal câs che il Diretôr Gjenerâl no sedi nomenât, lis relativis funzions puedin jessi assegnadis dal Sindic al Segretari Gjenerâl.

Articol 47

Il Segretari

1. Il stât juridic e il tratament economic dal Segretari comunâl son regolâts da la contratazion coletive.
2. Il Segretari Gjenerâl è nomenât dal Sindic, di cui dipint funzionalmenti, e à compits di colaborazion e funzions di assistance juridic-aministrative intai confronts di ducj i Orghins dal Ent, in ordin a la conformitât da la azion aministrative a la Leç, al Statût e ai Regolaments.
3. Oltri a esercitâ lis atribuzions previodudis da la Leç, il Segretari:
 - a) assist i Orghins di guvier dal Ent te azion aministrative;
 - b) partecipe cun funzions consultivis, referentis e di assistance a lis riunions da la Zonte e dal Consei e cure il so verbâl;
 - c) pues sotscrivi ducj i contrats tai cuâi l'Ent è part, autenticâ scrituris privadis e ats unilaterâls tal interès dal Ent;
 - d) da disposizions e emane circolârs di caratar gjenerâl ai Ufiscis.
4. Tal câs che no sedi stât nomenât il Diretôr Gjenerâl, il Segretari cure il devuelziment da lis funzions dai Dirigjents, coordinant la sô ativitât, e à lis funzions previodudis dai Regolaments pai câs di mancjade nomine dal Diretôr.
5. Il Segretari Gjenerâl esercite ogni altre funzion, ancje di nature dirigjenziâl, assegnadis lui dal present Statût e dai Regolaments o dal Sindic.
6. E' assistût da un Vice Segretari, che lu sostituìs in câs di vacanze, assence o impediment; il so tratament è stabilît dal Regolament di organizazion.



Articol 48

La Dirigence

1. Ai Dirigjents compet la gjestion finanziarie, tecniche e aministrative, comprendude la adozion di ducj i ats che impegnin la Aministrazion viers l'esterni e che no sedin di competence dai altris Orghins dal Comun, midiant di autonomis podês di spese, di organizazion da lis risorsis umanis e strumentâls e di control. A lôr son assegnâts ducj i compits di atuazion dai obietîfs e dai programs definîts cui ats di direzion dai Orghins di guvier dal Ent e son responsabii da la coretece aministrative, da la eficencie e dai risultâts da la gjestion.
A lôr compet:
 - a) individualmenti:
l'esercizi da la direzion e la organizazion dai Servizis, rispétant il principi di massime responsabilizazion dai impleâts in vie direte al exercizi di funzions e a la furnidure di servizis e di coordinament da lis svariadis unitâts operativis che stan sot al stes responsabil di Servizis.
 - b) colegjâlmenti:
la garanzie dal coordinament da la ativitât da lis diferentis unitâts operativis a nivel dal intôr Ent, sot la direzion dal Diretôr Gjenerâl, se nomenât, o dal Segretari Gjenerâl e rispétant lis indicazioni da la Zonte e dal Sindic. A chest fin, è istituide la Conference dai Dirigjents; il so funzionament è dissilinât dal Regolament di organizazion dai Ufiscis e Servizis.
2. Il Regolament di organizazion dissipline, rispétant la normative di Leç e contratuâl, il status dai Dirigjents responsabii dai Servizis, regolant lis modalitâts di exercizi da lis lôr funzions.
3. Ai Dirigjents competin in particulâr chescj compits:
 - a) la presidence da lis Comissions di gare e di concors;
 - b) la responsabilitât da lis proceduris d'appalto e di concors;
 - c) la sottoscrizion dai contrats;
 - d) i ats di gjestion finanziarie, comprendude la assunzion di impegnis di spese;
 - e) ducj i proviodiments di autorizazion, concession o simii, comprendudis lis concessions e autorizazions ediliziis e ancje i certificâts di agibilitât e abitabilitât che presuponin esams e valutazions, ancje di nature discrezionâl, rispétant i criteris predeterminâts da la Leç, dai Regolaments, da ats gjenerâi di direzion;
 - f) ducj i proviodiments che rivuardin sanzions aministrativis previodudis da la Leç statâl e regionâl in vore;
 - g) ducj i proviodiments opressîfs relatîfs a violazions in materie edilizie, urbanistiche, dal paisaç e dal ambient, comprendûts i proviodiments di suspension dai lavôrs, abatiment e riduzion in pristino di competence comunâl.
4. I dirigjents esercitin ogni altre funzion assegnade dal presint Statût e dai Regolaments o delegate dal Sindic rispétant i stes ats.
5. Competin ai Dirigjents i podês e i oblics dal privât datôr di lavôr; in particulâr, sigurâ l'inseriment, la formazion, la motivazion, la valorizzazion e l'ûs dal personâl lôr assegnât, proviodi al control da la sô ativitât e gjestî lis relazions sindacâls colegadis cul funzionament dai siei Servizis, daûr da lis direzions stabilidis da la Zonte.
6. I Dirigjents àn la facultât di delegâ, cun proviodiment formâl, in dut o in part lis funzions lôr assegnadis.



COMUN DI MONFALCON

7. I ats di competence dai Dirigjents son sogjets a avocazion di bande dal Diretôr Gjenerâl, sôl in câs di grâf ritart o di sprolungjade inerzie, indicât tal proviodiment di avocazion, e dopo vê cotestâ la inerzie e il ritart al Dirigjent.
8. La Dirigjence à funzions di supuart, di colaborazion e di trasmission di dutis lis informazions e documentazions intai confronts dai Orghins di guvier dal Ent. Lis modalitâts saran specificadis dal Regolament di organizazion par ce che al rivuarde i rapuarts tra Sindic, Zonte comunâl e Dirigjence e dal Regolament dal Consei comunâl par ce che al rivuarde i rapuarts tra Consei comunâl e Dirigjence.

Articul 49 **Dissipline da la Dirigjence**

1. Il Regolament di organizazion dai Ufiscis e dai Servizis indiche lis modalitâts di nomine, di bande dal Sindic, dai responsabii dai Serizis e la definizion da lis incarghis dai Dirigjents.
2. Il Regolament di organizazion dissipline l'afidament da la responabilitât dai Servizis o dai Ufiscis, di cualifiche dirigenziâl o di alte specializazion, ancje midiant di contrat a timp determinât, di dirit public o, in câs ecezionâl e cun deliberazion motivade, di dirit privât, risprietant i recuisîts necessaris a la cualifiche da rivistî.
3. Il Regolament dissipline lis eventuâls colaborazions esternis, a alt contignût professionâl, par obietîfs determinâts e cun convenzions a timp definît.
4. In ducj i doi câs dai precedents commi, il Regolament stabilîs la durade massime da lis incarghis, lis regulis par la determinazion dal tratament economic e lis cundizions par une eventuâl interuzion anticipade dal contrat, tal câs che, par justificâts mutîfs, no sedi garantît l'otigniment dai obietîfs programâts.

Articul 50 **Nucleo di Valutazion**

1. E' istituît il Nucleo di Valutazion par l'esercizi da lis funzions previodudis da lis Leçs su l'Ordenament dai Ents locâi e dai contrats coletîfs di lavôr pai Dirigjents e pai dipendents dai Ents locâi.
2. Lis disposizions su la composizion, nomine, competencis e dissipline dal funzionament dal Nucleo son stabilidis intal relatîf Regolament.



COMUN DI MONFALCON

TITUL IV SERVIZIS E FORMIS ASSOCIATIVIS

PONT 1 SERVIZIS

Articul 51 Servizis publics locâi

1. I Servizis publics esercitabils dal Comun, da distinguisi in Servizis di relevance economiche e cence relevance economiche, son gjestîts daûr da lis normis di Leç.
2. Il Consei comunâl approve il plan gjenerâl dai Servizis publics. Il plan dêf indicâ: l'ogjet, lis dimensions e lis carateristichis dai Servizis, la forme di gjestion sielte dopo valutazion comparative par il so esercizi, lis dotazions patrimoniâls e di personâl, lis finalitâts che si vuelin perseguî midiant da la gjestion dai singui Servizis, e il plan finanziari di investment e gjestion.
3. Il plan dai Servizis constituîs un alegât de la Relazion di prevision e programatiche.
4. L'organiazion di un gnûf Servizi di bande dal Comun à di contignî un plan tecnic-finanziari che contegni justis motivazions incirche la forme di gjestion sielte, ancje in riferiment a la dimension dal teritori e ai altris Servizis gjestîts dal Comun.
5. La valutazion comparative à di considerâ dutis lis formis di gjestion, includint ancje chês di associazion midiant di convenzion, union di Comuns e Consorzi, ancje dopo acuardi di program.
6. Par vie da lis risultancis che derivin dal at di ricognizion, il Comun assum lis necessariis iniziativis par la sielte da lis formis otimâls di gjestion; lis sôs modalitâts di esercizi àn di rindi efetîfs i principis di informazion, partecipazion e tutele dai citadins utents.
7. Cualsisei sedi la forme di gjestion sielte par la organizazion dai Servizis, dovaran jessi previodudis regulis di rapuart e formis di colegament tra il sogjet gjestôr e il Comun adats a sigurâ il perseguiment dal public interès.

Articul 52 Servizis publics locâi di relevance economiche

1. Il Comun esercite lis facultâts previodudis da la normative nazionâl e regionâl in materie di Servizis publics di relevance economiche, cirint un ecuilibri sostanzial tra la valorizzazion da la libare concorenza imprenditoriâl e il sodisfaciment dal interès gjenerâl da la coletivitât.
2. La erogazion dal servizi pues jessi afidade dal Comun di Monfalcon, ancje in forme associate cun altris ents locâi a:
 - a) societâts di capitâi individuâls midiant di proceduris a evidence publiche;
 - b) societâts a capitâl misc public/privât inte lis cualis il soci privât sedi stât sielzût cun gare;
 - c) societâts a capitâl completamenti public controladis dal Comun di Monfalcon in mût simil ai siei servizis e che realizin la part plui impuartante da la sô ativitât cul Comun di Monfalcon e cui altris ents publics che le controlin.
3. La proprietât da lis rêts, dai implants e da lis altris dotazions patrimoniâls pues jessi assegnade a societâts a capitâl completeramenti public, che no è cedibil. La gjestion da lis rêts, tal câs che lis disciplinis di setôr previodin la sô separazion da la erogazion dal servizi, pues jessi afidade, oltri che a impresis adatis, di sielzi midiant di proceduris a evidence



COMUN DI MONFALCON

pubbliche, ancje a societâts di capitâi a totâl partecipazion pubbliche a pat che il Comun di Monfalcon eserciti un control simil a chel esercitât su i siei servizis e che lis Societâts realizin la part plui impuartante da la lôr ativitât cul Comun di Monfalcon e cui altri ents publics che la controlin.

4. Il Comun definîs l'ambit di gjestion dai servizis di interès gjenerâl inte dimension otimâl; a chest fin opere par cirî acuardis cui altris Ents locâi, cun l'obietîf di individuâ standard di cualitât e determinâ lis modalitâts di vigilance e control dai sogjets gjestôrs, in un cuadri di tutele primarie dai utents e dai consumatôrs.

Articul 53 **Aziendis speciâls e Istituzions**

1. L'ordenament e il funzionament da lis Aziendis speciâls e da lis Istituzions saran disciplinâts dal relatîf Regolament che dovarà previodi lis finalitâts e lis direzions, lis modalitâts di aprovazion dai ats fundamentâi, la struture organizzative, lis normis finanziariis e contabilis, lis formis di vigilance e verifiche gjestionâl di bande dai competents dai Orghins dal Ent e ancje lis modalitâts di cuvierture dai eventuâi coscj sociâi.
2. La Aziende speciâl è dotade di un so Statût, aprovât dal Consei comunâl.

PONT 2 **FORMIS ASSOCIATIVIS E DI COOPERAZION**

Articul 54 **Convenziions**

1. Pal davuelziment coordinât di determinadis funzions e servizis la Aministrazion Comunâl pues sottoscrivi convenziions cun la Provincie e cui altris Comuns.
2. La convenzion determine timps, mûts, sogjets, proceduris e finanziaments par la realizazion dal acuardi tra lis parts e è sopognete a la aprovazion dal Consei comunâl.

Articul 55 **Consortis**

1. Par la gjestion asociade di un o plui Servizis, il Comun pues costituî cui altris Comuns o cun la Provincie un Consorti daûr da lis normis par lis Aziendis speciâls previodudis da la Leç e dal presint Statût.
2. A chest fin il Consei comunâl approve a maiorange assolude dai components une convenzion ai sens dal precedent articul adun cul Statût dal Consorti.
3. La composizion e il funzionament dal Consorti son regolâts da la Leç e dal Statût dal Consorti.



COMUN DI MONFALCON

PONT 3

DISPOSIZIONS GJENERÂLS RELATIVIS AI ENTS, AZIENDIS, ISTITUZIONI E SOCIETÂTS A PARTECIPAZION COMUNÂL

Articul 56

Finalitâts

1. Lis finalitâts, la organizazion e il funzionament di Ents, Aziendis, Istituzions e Societâts a partecipazion comunâl, àn di jessi conformis e in armonie cun lis funziions esercitadis dal Comun che podarà in ogni câs fissâ direziions di massime daûr dai criteris di eficencie, eficacie, e economicitât di gjestion.

Articul 57

Nomine e revoche dai rapresentants dal Comun

1. Par la nomine e la designazion dai rapresentants dal Comun intai Ents dal presint pont, si aplichin lis normativis in vore.
2. I rapresentants dal Comun intai Ents àn di vê i recuisîts par la nomine a Conseîr comunâl e une documentate competence tecniche e aministrative par studis fats, par funziions vudis ca di Aziendis publichis o privadis, par Ufiscis publicis esercitâts.

Articul 58

Direzion e control

1. Il Consei comunâl esercite podês di direzion e control sui Ents dai precedents articui, ancje midiant dal esam e da la aprovazion dai lôr ats fundamentâi, cun lis modalitâts previodudis da la Leç e dai Regolaments o dai Statûts che dissiplinin la sô ativitât.
2. E' compit dal Sindic la vigilance su la gjestion dai Ents, Istituzions, Aziendis e Societâts a partecipazion comunâl.

TITUL V

PARTECIPAZION POPOLÂR E TRASPARENCE DA LA AZION AMINISTRATIVE

Articul 59

Istitûts di partecipazion

1. La partecipazion dai citadins, singui o associâts, a la formazion da lis direziions, a lis sieltis e in gjenerâl a la gjestion dal Comun è garantide midiant da la ativitât dai Istitûts promovûts da la Aministrazion comunâl risprietant lis normis di Leç e su la fonde di un relatîf Regolament.
2. Il Comun promôf formis di partecipazion a la vite publiche locâl dai citadins da la Union Europeane e dai forescj che regolarmenti son in Italie.
3. A chest fin il Comun ricognòs, da valôr e sosten la presince e la ativitât dai citadins e da lis libaris formis associativis, ancje di cuartîr, cun particulâr riuart a lis Organizacions di volontariât sociâl e dal tierç setôr che opere in regim “no profit”, ancje midiant dal acès ai siei dâts e midiant da la adozion di formis adatis di consultazion e di partecipazion.
4. Il Regolament dal prin comma stabilîs ancje, par lis liberis formis associativis:
 - a) lis formis di ricognossiment;



COMUN DI MONFALCON

- b) lis modalitâts da la valorizzazion e la dissipline dal sosten midiant da la istituzion dal “Bando dell’associazionismo”, dividûd in seziions che evidenzin lis lôr finalitâts;
 - c) la definizion dai dirits minimis sigurâts;
 - d) la definizion dai parametris ogjetîfs necessaris par ativâ il discrezionâl sosten finanziari intai diferents setôrs di ativitât;
 - e) la individuazion dai criteris ogjetîfs di selezion par la assunzion in gjestion di Servizis comunâi di relevance sociâl, culturâl e sportive.
- 5. Il Comun realize formis di colegament, confront e colaborazion, dissiplinantlis tal Regolament dal comma un, jenfri lis Comissions consiliârs competentis par materie e i corrispondents setôrs associatîfs organizâts inte lis Consultis.
 - 6. Ai fins dal presint articul, il Comun promôf la costituzion di structuris partecipativis par sigurâ la costante verifiche dai servizis publics locâi.
 - 7. Chestis structuris, istituidis in forme di Osservatôrs, puedin previodi la partecipazion oltri che di sogjets istituzionâi, ancje di sogjets privâts rapresentatîfs di interès coletîfs, in particolâr di associazions di utents e di consumatôrs.
 - 8. Par la istituzion dai Osservatôrs dal precedent comma e la dissipline dal lôr funzionament, si rimande al relatîf regolament.

PONT 1 ACÈS E PROCEDIMENT

Articul 60 Dirit di acès ai ats e ai procediments

- 1. Cul fin di sigurâ la transparence da la ativitât aministrative e di favorî il so devuelziment imparziâl, è ricognossût, a ognidun che vi vedi interès par la tutele di situaziions di relevance juridiche, il dirit di acès ai documents aministratîfs, daûr da lis modalitâts stabilidis dal Regolament sul acès.

Articul 61 Direziions pal regolament dal acès ai ats

- 1. Copie da lis deliberaziions dal Consei e da la Zonte, dai Regolaments in vore, di Statûts, ancje di eventuâls Aziendis partecipadis dal Comun, saran a libare disposizion dai citadins.
- 2. Il Comun garantîs une publicazion adate da la liste dai professioniscj e/o studis professionâi che colaborin cun la Amministrazion.

Articul 62 Procediment aministratîf

- 1. Gjavant il câs che no sussistin reons di impediment che derivin da particolârs esigjencis di sveltece, il responsabil dal procediment da comunicazion dal inizi dal procediment stes ai sogjets intai confronts dai cuâi il proviodiment finâl è destinât a produci efîets, ai sogjets la quale partecipazion al procediment sedi previodude da Leç o Regolament e ancje ai sogjets, individuâts o facilmenti individuabils, ai cuâi dal provioiment podarès derivâ un pregiudizi, cun lis proceduris, lis formis, lis indicaziions previodudis da la Leç e dal Regolament comunâl sul procediment aministratîf.



COMUN DI MONFALCON

2. Cualsisei sogjet, puartatôr di interès publicis o privâts, e ancje i puartatôrs di interès coletîfs costituîts in mût juridic in Associazions o Comitâts, ai cuâi podarès derivâ un pregiudizi da un at, àn facultât di intervignî tal procedimet.
3. Daûr da lis normis in vore e lis proceduris stabilidis dal Regolament comunâl, son garantidis a ducj chei che i an drit:
 - a) la vision dai ats dal procediment;
 - b) la presentazion di memoriis scritis e documents che la Aministrazion à l'oblic di valutâ dulà sedin relatîfs al ogjet dal procediment.

Articul 63

Oblic di motivazion dai ats

1. Ogni proviodiment aministratîf, comprendûts chei che rivuardin la organizazion aministrative, il davuelziment dai publicis concors e il personâl, à di jessi motivât, gjavant lis ipotesis previodudis dal comma 2. La motivazion à di indicâ i presuposts di fat e lis resons juridichis che àn determinât la decision da la Aministrazion, in relacion a lis risultancis da la istruttoria.
2. La motivazion no è necessarie pai ats normatîfs e par chei a contignût gjenerâl.

Articul 64

Statût dai dirits dal contribuent – Dirit di interpello e garant dal contribuent

1. I Regolaments comunâi relatîfs a la aplicazion e a la ativitât di control, accertament, licuidazion e rimbors da lis jentradis tributariis son adatâts ai principis previodûts da lis normis in materie di Statût dai dirits dal contribuent e eventûals sôs modificazions e integrazions, che da disposizions in materie di “Statût dai dirits dal contribuent”.
2. Il Comun sigurarà plene informazion, cognossince, clarece e trasparenze intai rapuarts cul contribuent, garantint une maiôr semplificazion dai adempiments tributaris necessaris.
3. Sarà dissipline cun specific e relatîf Regolament comunâl la istituzion dal garant dal contribuent e il drit di interpello, come previodût da la normative in vore.

PONT 2 CONSULTAZIONS

Articul 65 Consultazion

1. Il Comun ricognòs come istitût di partecipazion la consultazion dai citadins.
2. La consultazion à il fin di cognossi la volontât dai citadins intai confronts da lis direzions politic-amministrativis da perseguî intal devuelziment di une funzion o te la gjestion di un Servizi o ben public.
3. La consultazion dai citadins relative a la Aministrazion dal Comun è garantide da chescj Istitûts:
 - a) consultis di setôr permanentis in riunion publiche;
 - b) forum di consultazion;
 - c) organisims di partecipazion teritoriâl e dal borc;
 - d) referendum consultîfsIl Regolament dissipline e definìs lis modalitâts di atuazion da lis formis di consultazion.



COMUN DI MONFALCON

Articol 66

Podês da lis Consultis comunâls

1. Lis Consultis, te lis materiis di competence:
 - a) esprimin opinions preventivis daûr de domande o di sô iniziative, su ats comunâi;
 - b) presentin propuestis ai Orghins comunâi par la adozion di ats;
 - c) presentin propuestis par la gjestion e l'ûs di Servizis e bens comunâi;
 - d) domandin che funzionaris comunâi e/o esperts te lis singulis materiis tratadis sedin invidâts a lis riunions par la esposizion di particolârs problemis.
2. Par la lôr istituzion e la definizion da la operativitât si rimande al Regolament atuâtîf.
3. Lis propuestis e istancis son presentadis a la Presidence dal Consei e al Sindic; il Consei comunâl o la Zonte si esprimin su lis stessis daûr da lis relativis competencis.

Articol 67

Podês dai organisims di partecipazion dal teriori e dal borc

1. I organisims di partecipazion dal teriori e dal borc:
 - a) esprimin opinions preventivis daûr de domande o di sô iniziative, su ats comunâi;
 - b) presentin propuestis ai Orghins comunâi par la adozion di ats;
 - c) presentin propuestis par la gjestion e l'ûs di Servizis e bens comunâi;
 - d) domandin che funzionaris comunâi e/o esperts te lis singulis materiis tratadis sedin invidâts a lis riunions par la esposizion di particolârs problemis;
 - e) stabilissin prioritâts relativis ai intervents sul teritori;
 - f) organizin ativitâts di animazion socio-culturâl.
2. Par la lôr istituzion e la definizion da la operativitât si rimande al Regolament atuâtîf.
3. Lis propuestis e istancis son presentadis a la Presidence dal Consei e al Sindic; il Consei comunâl o la Zonte si esprimin su lis stessis daûr da li srelativis competencis.

Articol 68

Forum di consultazion

1. La consultazion midiant dal Forum si disvulce tai tims e lûcs stabilîts da la Zonte comunâl.
2. La consultazion è obligatorie in câs che sei domandade da almancul 1/5 dai Conseîrs comunâi o da almancul 200 citadins.
3. Dovarà in ogni câs jessi sigurât che:
 - a) la cognossince da la indizion da lis consultazions sedi realizade intai confronts di ducj i citadins;
 - b) i lûcs di riunion sedin acesibils a ducj i citadins;
 - c) l'argoment da la consultazion sei descrit in mût clâr;
 - d) lis rispuestis dai consultâts sedin quantitativamente verificabilis.

Articol 69

Consecuencis da la consultazion

1. L'Orghin che à di emanâ l'at, colegât a la consultazion, à l'oblic di considerâ la volontât manifestade da la stesse, ai fins da la motivazion dal at stes.



COMUN DI MONFALCON

PONT 3 REFERENDUM

Articol 70 Referendum consultîf

1. Il Comun ricognòs il referendum consultîf tra i struments di partecipzion dal citadin a la Aministrazion locâl.
2. An drit di partecipâ al vôt ducj i citadins clamâts a elei il Consei comunâl.
3. Il referendum pues rivuardâ sôl materiis di esclusive competence locâl.
4. E' obligatori il davuelziment dal referendum prime di procedi a la costituzion di une union di Comuns o di fusion cun un altri Comun.

Articol 71 Domande di referendum

1. Il referendum pues jessi domandât da un numar di 1/3 dai Conseîrs comunâi assegnâts al Comun o da milcincent (1.500) eletôrs, cun lis stessis modalitâts previodudis pai referendum nazionâi su lis autenticazions da lis sotscrizions.
2. La domande conten il cuesît che si vueli sopogni a la popolazion, esponût in mût clâr e si conclût cun la sotscrizion dai richiedents, cun la indicazion da la lôr cualificazion e dal lôr ricognossiment.
3. E' rivolte al Sindic, che fisse il referendum, da tignîsi dentri di 3 mês da la amission, determinant la date e lis altris modalitâts di davuelziment.

Articol 72 Amission da la domande

1. La amission da la domande di referendum sedi a rivuart da la materie a la quale si riferîs il cuesît e a la sô clarece, sedi a rivuart dal numar, la cualificazion e il ricognossiment dai sotscritôrs, è rimetude al judizi di une Comission componude dal Segretari Gjenerâl dal Comun, dal Difensôr Civic e dal Judiç di Pâs.
2. Il cuesît dovarà in ogni câs jessi formulât in mût che lis pussibilis rispuestis sedin "Si" o "No".
3. Tal câs che la domande fos a iniziative popolâr, è facoltât dal comitat promotôr procedi a la domande a la Comission di un preventîf judizi di amissibilitât dal cuesît, in rivuart al setôr locâl da la materie e a la sô formulazion. A chest fin è necessari che la domande sedi sotscribe da almancul 1/20 dal numar di eletôrs necessariis par la definitive amission dal referendum



COMUN DI MONFALCON

Articol 73

Direzions regulamentaris sul referendum

1. Il procediment relatîf a la consultazion referendarie è dissiplinât dal Regolament dai Istitûts di partecipazion, daûr dai principis contignûts intai precedents articui e cui seguitîfs criteris.
2. La consultazion, publicizzade in mût coret, si devuelç in une sole zornade festive. I seçs vie par la votazion son vierts par 12 oris in mût ininterot. Il scrutini da lis schedis à di finî inte stesse zornade da la votazion. Puedin jessi puartadis indevant intune volte plui consultazions referendariis locâls.
3. I certificâts eletorâi son consegnâts al domicili dal eletôr. La partecipazion a la votazion è provade cun la apposizion da la firme dal eletôr su la liste da la sezion.
4. La normative regulamentarie fasarà riferiment, par ce che è compatibil, a lis proceduris adotadis pal davuelziment dai referendum abrogatîfs di Leçs statâls, adatlantlis a la dimension locâl da la consultazion e in câs esaminantlis cul fin di une lôr semplificazion e economicitât.
5. Il referendum è valit se partecipin la metât plui un dai avents a dirit.
6. Il vôt favorevul al cuesît di bande da la maiorance dai participants al vôt oblee il Consei comunâl a la discussion dal stes inte prime riunion seguitive a la consultazion, da davuelzisi no oltri cuindis zornadis.

Articol 74

Materiis no referendabilis

1. No puedin jessi sopognetis a referendum chestis materiis:
 - a) proviodiments che rivuardin elezions, nominis, designazions, revochis e decjadencis;
 - b) proviodiments che rivuardin il personâl comunâl;
 - c) il Regolament pal funzionament dal Consei comunâl;
 - d) il Statût comunâl;
 - e) proviodiments che rivuardin impuestis, tassis e tarîfs;
 - f) proviodiments che rivuardin il balanç;
 - g) proviodiments che puedin jessi adotâts in vie di urgjence;
 - h) cuant sul stes argument è za stât fissât un referendum intai ultins cinc agns.

PONT 4

ISTANCIS, PETIZIONS E PROPUESTIS

Articol 75

Amissibilitât

1. Ogni citadin, in forme singule o asociade, pues rivolzi a la Aministrazion comunâl istancis, petizions e propuestis diretis a promovi une miôr tutele dai interès coletîfs.
2. La aministrazion à l'oblic di esaminâ par timp lis istancis, lis petizions e lis propuestis e di rispuindi ai interessâts dentri di trente zornadis da la lôr presentazion.
3. Cul tiermin "istançe" si intint: domande rivolte al Comun, direte a promovi un intervent par la miôr tutele dai interès coletîfs.



COMUN DI MONFALCON

4. Cul tiermin “petizion” si intint: manifestazion di opinion, invît, vôt o denuncie.
5. Cul tiermin “propueste” si intint: propueste di soluzions, di interpretazions, di direzions te ativitât politic-aministrative.

Articul 76 **Modalitâts di presentazion e exam**

1. Istancis, petitions e propuestis son rivoltis par materie al Sindic e al President dal Consei, ognidun daûr lis relativis competencis, e contegnin, in mût clâr, la cuistion sollevade o la soluzion proponude e la sotscrizion dai presentadôrs, il recapit dai stes.
2. L’Ufici protocol rilasse cence spesis al consegnatari copie da la istance, de la petizion o da la propueste dopo la aposizion dal timbri di ricezion.
3. Il Sindic e il President dal Consei lis esaminin par timp e fan cognossi il lôr intindiment a rivuart, o i mutîfs di eventuâl ritart di exam.

PONT 5 **DIFENSÔR CIVIC**

Articul 77 **Difensôr Civic – Nomine – Durade in cjarie**

1. E’ istituît l’Ufici dal Difensôr Civic.
2. La incarghe è assegnade dal Consei comunâl, cun deliberazion adotade a maiorance assolude dai votants e a scrutini segret, a un citadin resident inte Provincie che vedi i requisîts par la nomine al 1° grât da la Magistrature Onorarie.
3. La incarghe è incompatibile cun simii za assegnâts a lis stessis personis da altri Comun.
4. Il Difensôr Civic dure in cjarie tant che il Consei che lu à elet e esercite lis sôs funzions fin al insediament dal sucesôr.
5. No pues jessi subite elet une altre volte.
6. Ogni citadin che vedi i requisîts di chest articul pues mandâ la proprie candidature a la Aministrazion comunâl che predispon oportun elenc dopo control dai requisîts.
7. La designazion dal Difensôr Civic dêf avignî jenfri personis che par preparazion e esperience dedin ample garanzie di indipendence, onestât, competence juridic-aministrative, obietivitât e serenitât di judizi.
8. No pues jessi nomenât Difensôr Civic:
 - a) chel che si cjate in cundizion di inelegibilitât a la incarghe di Conseîr comunâl;
 - b) i parlamentârs, i Conseîrs regjonâi, provinciâi e comunâi, i membris dai Consorziis tra Comuns, i membris di Orghins istituzionâls di control e i Ministris di cult;
 - c) i dipendents dal Comun, i aministradôrs e i dipendents di personis juridichis, Ents, Istitûts e Aziendis che vedin rapuarts contratuâi cun la Aministrazion comunâl o che ricevin da jê a cualsisei titul sovvenzions o contribûts;
 - d) chel che furnedi prestazions di lavôr autonom a la Aministrazion comunâl;
 - e) chel che sedi coniuge o vedi rapuarts di parintât o afinitât dentri dal cuart grât cun aministradôrs dal Comun, sei dipendents, il Segretari comunâl o il Diretôr Gjenerâl.



COMUN DI MONFALCON

Articol 78

Atribuzions dal Difensôr Civic – Nomine – Durade in cjarie

1. Il Difensôr Civic à il compit di intervignî ca dai Orghins e Ufiscis dal Comun cul fin di garantî la osservance di chest Statût e dai Regolaments comunâi e ancje il rispjet dai dirits dai citadins talians e forescj.
2. Il Difensôr Civic à di intervignî daûr de domande dai interessâts o di sô iniziative ogni volte che ritignedi sedi stade violade la Leç, il Statût o il Regolament.
3. Il Difensôr Civic à di proviodi cul fin di eliminâ, par tant che sedi pussibil, la violazion e pues dâ conseis e indicazions a la part ufindude parcè che la stesse puedi tutelâ i propriis dirits e interès inta lis formis di leç.
4. Il Difensôr Civic à ancje di vigjilâ parcè che a ducj i citadins sedin ricognossûts i midiesims dirits.
5. Il Difensôr Civic à il rûl di garant da la imparzialitât e dal bon andament da la Aministrazion comunâl.
6. A' il compit di segnalâ al Sindic, daûr da la domande dai citadins o di sô iniziative, i abûs, lis disfunzions, i difiets e i ritarts dai Ufiscis comunâi.
7. Daûr da la domande di singui citadins e/o Ents podarà rivolzisi ai responsabii dai Ufiscis competents par verificâ i mutîfs di inerzie o di ritart inta definizion di singui proviodiments aministratîfs.
8. Pal esercizi da lis sôs funzions à dirit di acès tai Ufiscis e di otignî lis notiziis relativis a singui procediments pai cuâi sedi stât iteressât.
9. A' dirit di otignî, daûr di domande e cence coscj, copie dai ats da la Aministrazion comunâl e di chei da lôr rielamâts.
10. Tal ambit da lis sôs funzions il Difensôr Civic pues jessi interrogât dai citadins in ordin a ritards tal compiment di proviodiments di competence di altris publichis Aministrazions. In chest câs podarà rivolzisi a la Aministrazion, o al Difensôr Civic competent, par otignî lis notiziis ricercjadis.
11. È gjavât il câs di ricors a la Autoritât judiziarie tal câs di ipotesis di reât individuadis vie par la proprie ativitât.
12. Denti dal mê di zenâr il Difensôr Civic presente al Sindic e al President dal Consei comunâl une relazion sui intervents eseguîts e lis disfunzions individuadis vie pal davuelziment da lis sôs funzions.

Articol 79

Revoche - Decjadence e dispense d'Ufici

1. Il Difensôr Civic no è sogjet a revoche, salf che par conprovade inerzie.
2. Il relatîf proviodiment è disponût dal Consei comunâl cun la maiorance dai doi tierçs dai components assegnâts.
3. Pues jessi ancje dispensât dal Ufici par dimissiôns voluntariis.
4. Decjade dal Ufici in câs di pierdite da la citadinance taliane o par une da lis causis di incompatibilitât di cui tal articul 77, comma 8.



COMUN DI MONFALCON

Articol 80 **Oblics operatîf – Indennitât**

1. Il Consei comunâl determine i mieçs e lis indennitâts par il funzionament dal Uffici dal Difensôr Civic.

TITUL VI **FINANCE E CONTABILITÂT**

Articol 81 **Ordenament contabil, ativitâts finanziariis e risorsis**

1. L'ordenament contabil dal Comun è disciplinât da la normative in materie e tai limits da jê previodûts dal Regolament di contabilitât.
2. Tal ambit da la finance publiche il Comun è titolâr di autonomie finanziarie fondade su ciertece di risorsis propriis e trasferidis e di potestât impositive autonome in riuart a impuestis, tassis e tarîfis.
3. Il Comun determine pai propriis Servizis tarîfis e corrispettîfs a caric dai utents, ancje in mût no generalizât, ma che tindin a une concrete e cussiente partecipazion a li sspesis.

Articol 82 **Belanç, programazion finanziarie e rendicontazion**

1. Il Consei comunâl delibere ogni an il belanç di prevision par l'an seguitîf, osservant i principis da l'unitât, anualitât, universalitât, integritât, veretât, paritât finanziarie e publicitât; il belanç è dotât di une relazion previsionâl e programatiche, di un belanç pluriennâl e dai alegâts previodûts par Leç.
2. Il Consei comunâl delibere il rendicont di gjestion e la relazion illustrative da la Zonte che palese lis valutazions di eficacie da la azion amministrative su la fonde dai risultâts otignûts in relazion cui programs e ai coscj sostignûts.
3. Il Consei comunâl proviôt a la verifiche da la atuazion dal program e al control dai ecuilibris gjenerâi di belanç, adotant, se necessari, lis misuris adatis a rispietâ la paritât finanziarie.
4. I precedents documents contabili son aprovâts intai tîmps e cun lis modalitâts previodudis dal ordenament finanziari e contabil e da lis eventuâls normis integrativis o modificativis in materie.
5. I Ents, a cui partecipe il Consei, trasmetin a la Zonte comunâl e a la Conference di programazion consiliâr il belanç e il cont consuntîf, in conformitât a lis normis previodudis dal Statût dal Ent. Estrat dal belanç/cont consuntîf è alegât al belanç di prevision dal Comun.

Articol 83 **Il patrimoni**

1. Il patrimoni dal Comun è costituît dal compless dai bens, ancje demaniâi e dai rapuarts juridics, atîfs e passîfs di proprie pertinenze, suscetibîl di valutazion e midiant la cui rappresentazion contabil e il relatîf risultât finâl è determinade la consistence nete dal patrimoni stes.



COMUN DI MONFALCON

2. I bens patrimoniâi comunâi no doprâts in propri e no destinâts a funzions sociâls, di regule, àn di jessi concedûts in locazion; i bens demaniâi puedin jessi concedûts in ûs cun tarîfis determinadis da la Zonte comunâl.

Articol 84

Revision economic – finanziarie

1. Il Coleç dai Revisôrs dai conts è l'Orghin di colaborazion e consulence contabil e finanziarie dal Consei comunâl e a lui rispuint, sedi certificant la regolaritât dal operât da la Aministrazion comunâl, sedi formulat propuestis che tindin a otignî une miôr funzionalitât, produttivitât e economicitât da la gjestion.
2. Il Consei comunâl elei cun vôt limitât a doi components un Coleç dai Revisôrs componût da trê components.
I components son sielzûts:
 - a) un jenfri i iscrîts al registri dai Revisôrs contabii, che davuelç lis funzions di President dal Coleç;
 - b) un jenfri i iscrîts tal Albo dai dotôrs cumierçialists;
 - c) un jenfri i iscrîts tal Albo dai rasonîrs;E' elet President il cadidât iscrîto al registri dai Revisôrs contabii che varà otignûto il plui grant numar di vòts, a paritât di vòts è elet il plui anzian di età. I altris doi components son elets jenfri i iscrîts tal Albo dai dotôrs cumierçialists e i iscrîts tal Albo dai rasonîrs che tal ambit da la categorie di apartignince àn otignûto il plui grant numar di vòts (a paritât di vòts prevâl la anzianitât di età).
Par ducj i altris aspîets relatîfs a la materie si rinvie al ordenament finanziari e contabil e a lis eventuâls normis integrativis e modificativis in materie.
3. A lôr si aplichin lis normis di inelegibilitât e di decjadence di cui tal articol 2399 dal codiç civil.
4. La revoche o la decjadence dal Uffici son deliberâdis dal Consei comunâl, dopo che il Sindic vedi contestât in mût formâl i adebits al interessât, cui è concedût, in ogni câs, un tiermin di 15 zornadis par fâ parvignî lis propriis justificazions.
5. In câs di sostituzion di un Revisôr il Consei procêt a la surroga cul prin dai no elets, rispîet a la categorie di apartignince. Tal câs che no sedin prins no elets, il Consei comunâl elei il gnûf component, rispîet a la categorie di apartignince. Il gnûf nomenât reste in cjarie fin a la conclusion dal mandât dal Coleç.
6. La durade in cjarie dai components dal Coleç dai Revisôrs è triennâl e, salf inadempience rilevade, son rielegibîls par une sole volte.
7. La indennitât di spietance dai components dal Coleç è determinade dal Consei comunâl tai limits da la normative in vore.

Articol 85

Davuelziment da lis funzions

1. Il Coleç dai Revisôrs esercite lis funzions lui assegnadis da la Leç in plene autonomie, rispuintint da la veretât di chel che è stât certificât e puartant insom i propriis dovês cun la diligenca dal mandatarî. In câs di gravis irregolaritâts rilevadis ta la gjestion dal Ent, il Coleç è obleât a riferî dentri di cinc zornadis al Consei comunâl.



COMUN DI MONFALCON

2. I Revisôrs, tal esercizi da lis funziions di control e di vigilance da la regolaritât contabil e finanziarie da la gjestion, àn dirit di acès ai ats e documents dal Ent e ai relatîfs Ufiscis. Puedin ancje servîsi da la ricercje a campion cuâl strument di verifiche.
3. In chê di esam dal rendicont di gjestion, il President dal Coleç presente la relazion di accompagnament compilate ai sens di Leç e controle la relative riunion dal Consei adun cui altris Revisôrs in cjarie.
4. I Revisôrs puedin jessi interrogâts da la Zonte e dal Consei in merit di specifics fats di gjestion e di rilêfs da lôr movûts al operât da la Aministrazion e partant controlâ in tâls sedis lis relativis riunions.

Articul 86

Denunciis par fats di gjestion de bande dai Conseîrs

1. Ogni Conseîr pues denunciâ al Coleç dai Revisôrs fats che riviuardin la gjestion dal Ent ritignûts censurabîls, che tignarà cont e riferirà ta la prime riunion utile dal Consei.
2. Cuant che la denuncie ven da $\frac{1}{4}$ dai Conseîrs, il Coleç à di proviodi subite a eseguî lis necessariis verifichis e riferî dentri di cinc zornadis al Consei.

Articul 87

Control di gjestion

1. Il Comun realize, ai sens da la normative in vore, il control di gjestion, cul fin di verificâ il stât di atuazion dai obietîfs programatics e di garantî nivei otimâi di eficacie, eficencie e economicitât ta la realizazion dai precedents obietîfs e plui in gjenerâl da la interie ativitât dal Ent.
2. Lis modalitâts organizativis e i metodis e lis technichis dopradis son dissiplinadis dal Regolamento di contabilitât.

TITUL VII

NORMIS TRANSITORIS E FINÂLS

Articul 88

Modifichis dal Statût

1. Lis eventuâls propuestis di modifichis al presint Statût dovaran jessi deliberadis daûr da lis modalitâts stabilidis da la Leç.
2. Lis propuestis refudadis no podaran jessi ripresentadis fûr che dopo almancul un an dal vôt che lis refudave.
3. La deliberazion di abrogazion totâl dal presint Statût no è valide se no aven cun la adozion di un gnûf Statût e diven valide da la zornade di jentrade in vore dal stes.

Articul 89

Jentrade in vore

1. Il presint Statût è publicât tal Boletin Uficiâl da la Regjon e esponût tal Albo pretori comunâl par 30 zornadis consecutivis.



COMUN DI MONFALCON

2. Il Sindic invie il Statût, munît da la certificazion da la avignude publicazion di cui al precedent comma, al Ministeri dai Internis a fin che vegni inserît ta la Racolte Uficiâl dai Statûts.
3. Il presint Statût jentre in vore la trentesime zornade seguitive a la sô esposizion tal Albo pretori comunâl.
4. Il Segretari dal Comun zonte in calce al originâl dal Statût la declarazion da la jentrade in vore.

Declari che il presint Statût aprovât cun D.C. 14/39
dd. 19.06.03 è jentrât in vore il 28 Lui 2003;
è stât modificât cun deliberazion dal Consei n. 18/84
dd. 28.07.05, in vore dal 2 Setembar 2005;
è stât modificât cun deliberazion dal Consei n. 19/60
dd. 21.06.07, in vore dal 14 Lui 2007 e è componût
di 89 articui.

Monfalcon 16.07.2007

Il Segretari Gjenerâl
- dott. Antonio De Stefano